


619
1960

ქართული
ბიზანიტიკა



დროშა
№ 3 მარტი 1960

ჩვენი გმირი
გვიჩვენებენ

ეროვნული
ბიბლიოთეკა



სოციალისტური შრომის გმირი ტატიანა ჩხაიძე
ფოტო თ. არჩვაძისა

შენი დედით
მეც ვიყავი!

როდესაც შვილი შინიდან მიდის და ტოლთა მისთა წკრიალი გესმის, მის ნორჩ ნაბიჯებს მიჰყვები რიდიტ და გული შენი რატომღაც კენესის.

კენესა კი არა, ეს არის ლოცვა ბედნიერი და ამაყი დედის. მისთვის იწვი და არა გაქვს მოცლა, რომ პირმშოს ჰქონდეს ნათელი ბედი;

ჰქონდეს მზიანი დღე მომავალი, იყოს მართალი, მხნე და ძლიერი! — შენ გალამაზებს ზრუნვა მრავალი, შენ ამ დედობით ხარ მშვენიერი!

განა მართო ხარ შენი ფიქრებით, ჩვენც ხომ იგივე ოცნება გვაგვებს, ჩვენი დღეებიც, ფრთებიც, წიგნებიც და ყველაფერი ეკუთვნის ბავშვებს!

ეს მათთვის იცავს მშვიდობას ხალხი, ეს მათთვის იბრძვის ძალა კეთილი, არ მიეკაროს ყვაფილებს ალხი და ომსაც დახედეს გზა დაკეტილი.

მაშ, ნულარ შფოთავს ეს გული წმინდა ცხოვრების გზაზე იარე მშვიდად. სიტყვებზე ბავშვებს! დიდება შენდა მაშვრალო დედავ...



7986

პროლეტარებო ყველა ქვეყნისა, შეერთდით!

დროშა

№ 3 (104) მაკტი, 1960 წ.

გამოცემის IX წელი.

ყოველთვიური საზოგადოებრივ-პოლიტიკური და სალიბერალური-სამხატვრო ჟურნალი

სურთაშორისო ქვეყნების 8 პირველი 50 წევრისა

თეა ხახსლაძე

მ წლის შავაძე

მე მჯავრა მათი

რედაქციის ხელმძღვანელი —
ფარეხი შორიდან

ლილი მახინაძის
ლაბორატორიაში

კაინის ბიოლი —
ჩემი ძვირფასი შახი

ორი ბრიგადირი
შენს სუ. მახ სუ...

ლა სკალან საჩუქარი

მაია და ჯანა ლაკი

ბელა მიჩინაშვილი

ბრახილიჩის ახალი დე-
დაქალაქი



თეა ცეცხლაძე ათვალერებდა თავის ჩანაწერებს: „...თეორპარკიანი აბრეშუმი უკვე მოიტანეს... ღვინო № 23 დაბრუნდა დეგუსტაციის შემდეგ... კონიაკი მზადაა გამოსაცდელად... ხურმა და ატმის კონსერვი ჯერ არ გამოგვიცდია... ლიმონების საკონტროლო ჯგუფის შემოწმების ვალა დღეს დამთავრდა...“

...იმ დღეს ცდების ახალ წყებას იწყებდნენ და თეას უნდოდა თავი მოეყარა ყველაფრისათვის, რაც აქამდე გაეკეთებინათ...

მაგრამ ახლავე უნდა გავაფრთხილოთ მკითხველი, რომ ყოველივე ეს, რაზედაც ქვემოთ მოგიხრობთ მეღვინეობის, მეაბრეშუმეობის, ან მეხილეობის საკვლევი ინსტიტუტში არა ხდება, თუმცა მეღვინეობასთან და მეხილეობასთანაც, მეაბრეშუმეობასთანაც და საკონსერვო მრეწველობასთანაც უშუალო კავშირი აქვს.

განყოფილებას, რომელსაც თეა ცეცხლაძე განაგებს საქართველოს მეცნიერებათა აკადემიის ფიზიკის ინსტიტუტში „ბირთვული ფიზიკის მშვიდობიანი მიზნებით გამოყენების განყოფილება“ ეწოდება, მაგრამ პირველივე თემა, რომელიც განყოფილების გამგემ დავისახელა ფრიად „შემტევე“ ხასიათს ატარებს, თანაც იმდენადაა და შორებულ იქნენ ჩვენი ჩვეულებრივ წარმოდგენას ბირთვულ ფიზიკაზე, რომ, ალბათ, გაკვირვება ვერ დავფარეთ და ფიზიკოსს ვრცელი ახსნა-განმარტება დასჭირდა. ამ თემას სახელად ეწოდება „აბრეშუმის ჭუპრის სხივადი გაგუღვა“, მისი შინაარსი კი

ფრიად მშვიდობიან მიზნებს ემსახურება. როდესაც აბრეშუმის ჭუპრი დაასრულებს პარკის შემოქსოვას, მის კლავენ, რათა არ გამოხრას პარკი და არ დააშავოს ყაჭი, ამისთვის აბრეშუმის პარკს მღუღარე წყალში ათავსებენ, ან ცხელი პაერით გულავენ, მაგრამ ამგვარად დამუშავებული აბრეშუმის პარკი კარგავს თავის თვისებებს, — მეცნიერებმა გადაწყვიტეს ჭუპრის გასაგულდავად გამოეყენებინათ გამა-გამოსხივება. მაგრამ ჭუპრი მეტად ამტანი გამოდგა ამ გამოსხივების მიმართ. თუ ადამიანისათვის 500 რენტგენი (რენტგენი — გამა-გამოსხივების დოზის ერთეულია) ამ გამოსხივებისა უკვე მავნებელია — ჭუპრის მოსაკლავად 200.000 რენტგენი გახდა საჭირო. მაგრამ ესოდენ ძლიერ გამოსხივებამ შეიძლება უარყოფითად იმოქმედოს თვით ძაფის ტექნოლოგიურ თვისებებზე. და აი, ტექსტილის ცენტრალური ლაბორატორიის ინჟინრებთან ერთად ფიზიკოსები შეუდგნენ შრომატევად სამუშაოს — გამა-გამოსხივებით გაგუღული ჭუპრის პარკიდან ამოხვეული აბრეშუმის ძაფის ტექნოლოგიურ გამოკვლევას.

შედგები სრულიად საწინააღმდეგო აღმოჩნდა — აბრეშუმს არათუ ევნო რამე, არამედ, პირიქით, — ძაფი უფრო ელასტიური, უფრო ადვილად ამოსახვევი გახდა. ამ მუშაობის შედეგები თეა ცეცხლა-

ძემ 1958 წლის სექტემბერში მოახსენა საერთაშორისო კონფერენციას, რომელიც შეიკრიბა ქენევაში ატომური ენერჯის მშვიდობიანი მიზნებისათვის გამოყენების გამოკვლევათა შესაჯამებლად. ბირთვულ ფიზიკას იმდენად მრავალგვარი გამოყენება აქვს ჩვენს მრეწველობაში, რომ თუნდაც მხოლოდ ჩამოთვლა დარგებისა, სადაც მას იყენებენ შორს წაგვიყვანდა... ცნობილია, თუ რა დიდი ამოცანებია დასახული საქართველოს კვების მრეწველობის წინაშე — მიმდინარე შვრდწლედში — 1965 წლისათვის საქართველოს ვენახებში ნახევარი მილიონი ტონა ყურძენი დაიკრიფება წელწადში. ამ დიდ მოსავალს მოვლა-პატრონობა სჭირდება. ამ საქმეში მეღვინეებს უნდა დაეხმაროს... ახლად აგებული რეაქტორი. ღვინის და საკონიაკე სპირტის დაძველება შრომატევადი და ხანგრძლივი პროცესია.

მაგრამ თურმე ისევ იმ გამა-გამოსხივების მეშვეობით შეიძლება ამ პროცესის დაჩქარება, გამა-გამოსხივება აჩქარებს ღვინის ზოგიერთ შემადგენელ ნაწილთა დაჟინგვას, იწვევს სხვა ბიოქიმიურ პროცესთა დაჩქარებას.

...და ამგვარად თეა ცეცხლაძეს და მის თანამშრომლებს მეღვინეობის შესწავლა მოუხდათ, ახლა მებაღეობა-მევენახეობის მეცნიერ თანამშრომლებთან ერთად მათ



უწესხლო

ღვინისა და კონიაკის დაძველებას მოჰყოლდეს ხელი...

სადეგუსტაციო კონსერვატორიულ ცენტრში ამოწმებდა ხელოვნურად გამა-გამოსხივების საშუალებით დაძველებულ ღვინოს ფრიად კმაყოფილი დარჩა.

ამ სამუშაოს დამთავრება და შედეგების დანერგვა მეღვინეობაში საშუალებას მოგვცემს უფრო მეტი და უფრო უკეთესი ხარისხის ღვინო და კონიაკი მივაწოდოთ მშრომლებს. ათას ტონობით ხილი უნდა მოიყვანონ საქართველოს მებაღეებმა, — ზოგი კონსერვებდ უნდა გადაამუშაონ, ზოგი ცოცხლად შეინახონ — ამ საქმეშიაც ფიზიკოსები უნდა დაეხმარონ მეხილეებს.

ხილის და კონსერვების შენახვის ვადების ვაგრძელება ახლა თეა ცეცხლაძის და მის თანამშრომელთა საჭირობოროტო პრობლემას შეადგენს.

ბირთვულ ფიზიკას სრულიად მოულოდნელი გამოყენება აქვს. თითქოს რა კავშირი უნდა ჰქონდეს ატომურ ფიზიკას ბაღების და პარკების გაშენებასთან? თურმე ეს კავშირი სრულიად უშუალო და პირდაპირია. სხვადასხვა ჯიშის ხეები იზრდებიან ერთად არა შემთხვევით, არამედ ბუნებრივ ასოციაციებს შეადგენენ. ასოციაციების ჩამოყალიბება კი მნიშვნელოვნად დამოკიდებულია იმ აირებზე, რომელსაც ხეები გამოყოფენ. სხვადასხვა ჯიშის ხეების მიერ გამოყოფილი აირებს შემადგენლობა

ფრიად განსხვავდება. ამასთანავე ეს აირები შეიძლება მავნეც იყოს ხეებისათვის, რომლებიც არ შედიან უკვე ჩამოყალიბებულ ბუნებრივ ასოციაციაში.

ამგვარად, ხეების ხელოვნური ასოციაციების შერჩევის დროს საჭიროა ზუსტად ვიცოდეთ მათ მიერ გამოყოფილი აირების თვისება — ეს კი შეუძლებელია კვლევადიების უახლესი ფიზიკური მეთოდების გამოყენების გარეშე და ამგვარად თეა ცეცხლაძეს მოუხდება ბოტანიკოსებთან ერთად ღვინდროლოგიურ კვლევას მიჰყოს ხელი.

კიდევ მრავალი სხვა საკითხის შესახებ გვიამბო თეა ცეცხლაძემ, ქიმიის მეცნიერებათა კანდიდატმა, რომელიც თბილისის უნივერსიტეტის დამთავრების შემდეგ ბირთვული ფიზიკის საკითხებით დაინტერესდა და აგერ უკვე თერთმეტი წელია მუშაობს ამ დარგში. პრაქტიკულ ამოცანების გადაჭრასთან ერთად, იგი დიდ თეორიულ განზოგადების საკითხებსაც არ ივიწყებს.

ატომური რეაქტორის აგებამ ახალი შესაძლებლობანი შეუქმნა საქართველოს ფიზიკოსებს. თეა ცეცხლაძის მუშაობის უახლოესი თემა — „ბირთვულ რეაქტორში წარმოქმნილ ნივთიერებათა აქტივობის შესწავლა“...

8 მარტი



თამარ კობალეიშვილის სახელი, ვინაობა და ბიოგრაფია უცნობი როდია ჩვენი საზოგადოებისა და, მით უმეტეს, „დროშის“ მკითხველებისათვის. ჯერ კიდევ 1952 წელს გაიცივნეს „დროშის“ ფურცლებიდან ჩვენმა მკითხველებმა იგი. მაშინ ჩვენი კორესპონდენტი და ფოტორეპორტიორი მარტო სა... წარმოა მარტო მკითხველების აღნუსხვით არ დაკმაყოფილდნენ, ბინაზეც ეწვივნენ სახელგანთქმულ სტახანოველს და ქალიშვილებთან ერთად სურათი გადაუღეს. დედა — აი ეს სახელმძიანი ქალი, მაშინ თანდაზგოქანი მქსოველი იყო, ქალიშვილები კი — ნელი და ნუნუ საშუალო სკოლაში სწავლობდნენ.

ეს სურათი თავისთავად ბევრ რამეზე მეტყველებს. მაგრამ იგი უფრო საგულისხმო გახდება, თუ მკითხველებს გავახსენებთ, რომ თამარი, სამამულო ომის ფრონტზე დაღუპული მეომრის ქვრივი, მარტო უძღოდა ოჯახს, მარტო მას აწვა მხრებზე პასუხისმგებლობა შვილების მომავლისათვის.

მას აქეთ რვა წელიწადი გავიდა. „დროშის“ კორესპონდენტები ისევ ეწვივნენ აბრეშუმსაქსოვ ფაბრიკას, მერე კი თამარ კობალეიშვილის ოჯახსაც.

ამ რვა წლის განმავლობაში თამარს არავისთვის დაუთმია პირველობა დაზღასთან, არა ერთხელ გაიმარჯვა მქსოველთა საკავშირო შეჯიბრებაში, დაამთავრა პარტიული კურსები, იყო თბილისის ორჯონიკიძის სახელობის რაიკომის პლენუმის წევრი. ახლა ფაბრიკის საზოგადოებრივი კონტროლის კომისიის წევრია. არასოდეს, არსად, არც ერთ სამუშაოზე თამარს თავი არ შეუტრცხვინია.

— თქვენი ქალიშვილები როგორ არიან? რა არის მათ ცხოვრებაში ახალი?

— ბევრი რამ.

— მაინც, კმაყოფილი ხართ შვილებით?

— თვითონ განსაკუთრებით. უფროსმა, ნელიმ, საშუალო ოქროს მედალზე დაამთავრა და უნივერსიტეტის ისტორიულ ფაკულტეტზე შევიდა. ბავშვობიდანვე ძალიან უყვარდა საზოგადოებრივი მუშაობა, იყო ბიონერთა რგოლის ხელმძღვანელი, იყო ხელმძღვანელი კომკავშირულ სამუშაოზე. არც უნივერსიტეტში ჩამოშორებია საზოგადოებრივ საქმიანობას. უნივერსიტეტი ფრიადზე დაამთავრა და პირველა ხარისხის დიპლომი მიიღო. მაგრამ ჯერ კიდევ დამთავრებამდე საქართველოს კომკავშირის ხელმძღვანელმა ორგანოებმა რუსთავეში მიიწვიეს კომკავშირის ქალაქკომის სასკოლო განყოფილების გამგედ. როგორც ეტყობა, ამ საქმეზე ცუდად არ უმუშავია, რადგან ახლა უკვე რუსთავეის ქალაქკომის მესამე მდივანია.

— ვუსურვებთ წარმატებას... ნუნუზე რას იტყვით?

— ნუნუ ფიზიკთაა გატაცებული. წელს ამთავრებს უნივერსიტეტის ფიზიკურ ფაკულტეტს, წარჩინებული მატრენტი, მატრიკული უკვე დახურული



აქვს და ახლა პრაქტიკაზეა. ნელიმ მას ჯერჯერობით ერთ სტერილულ საქმეშიც აჯობა: უკვე გათხოვდა და მე მალე, ალბათ, ბებია ვიქნები.

— წინდაწინ მოგვილოცნია. ეს პატარა ვინა არის?

— ეს მანანა!

— ჩვენ მას არ ვიცნობთ.

— არც გასაკვირია. 1952 წელს ევ ჯერ არ არსებობდა ქვეყნად. იმ წელიწადს მერედ გაუთხოვდი.

— შენ რას აპირებ, მანანა, როცა გაიზრდები?

— არ ვიცი...

— ახლა რას აკეთებ?

— საბავშვო ბაღში დავდივარ.

— კიდევ?

— კიდევ დავდივარ ბიონერთა სსახლეში. კიდევ ვძერწავ, ვთამაშობ... მაგრამ უფრო ხშირად გცეკვავ, საბავშვო ბაღში კი ვთამაშობ, ვძერწავ და ვსადილობ...

რამაზ სილაბაძე.

რეპაზ მარკინი

რა შორს იყო შორი

ცხრაასორმოცდაორი
რა შორს იყო შორი!
მობიბინე ქათიბი—
ჩვენი სამკალ-სათიბი!

რა შორს იყო ლაჯანა,
რა შორს იყო ალაბანა,
შენი ლურჯი ფანჯარა
თვალწინ ჯერ არ ჩამქრალა!

რა შორს იყო ყვირილა,
რა შორს იყო ენგური.

ენძელა და გვირილა
ერთ დიდ კონად შეკრული!

ცხრაასორმოცდაორი
რა შორს იყო შორი!

რა შორს იყო ჭანჭახი,
რა შორს იყო რიონი,
ახლაც ყურში ჩამახხის
არავგი და იორი!

ცხრაასორმოცდაორი...
რა შორს იყო შორი.

ჩუჩხუპი პოეტი

შორი, შორი კორდები
ერთად მომაგონდებით,
საირმე და დეხვირი!
სიზმრიათი ოდები,
ლურჯი უღელტეხილი.

ოჯალეშის მარცვლები
შენი თვალის ნაირი,
უღვინოდაც დავეთრები
შენით სავსე პაერთო.

ფიცხობს, ფიცხობს მაჭარი—
ღვინო დაუღუღარი,

დამგუგუნებს ბუხარი,
დეხვირული ბუხარი,

გალმა, სერზე სურმუში
უკვე ყვინთავს ურმულში!

შორი, შორი კორდები
ერთად მომაგონდებით,
საირმე და დეხვირო,
სიზმრიათი ოდები,
ლურჯი უღელტეხილი...

გიორგი კაჭახიძე

შენი ვარა, შორი...!

ნობათად მეგობარს—ვისიც ხმა დღემდე
ტბილად მესმის ხალხური სიმღერების
გუნდებიდან.

ბედი არ დაგყვა ხელგაშლილობის,
ადრე გაიცნო გულმა ნაღველი.
მწარე ცხოვრების ობოლ შვილობილს
ქვეყნად რა გქონდა ტბილად სამღერი!

ერთი უყავრო ქობის შემკვიდრეს
გეგო სხვის კარზე ძველი ნაბადი.
სიკვილი-სიციცხლის ბეწვზე ეკიდე.
ხმას სიმღერისთვის მაინც წაავადი.

ობლის პატარა ნატვრის ნაკვერცხალს
ვერ წააყარა ბედმა ნაცარი;
ძილშიც ოცნებამ ფრთა არ დაკეცა,
დიდხანს ეძება თავშესაფარი.

წამოეშველა გზად განთიადი,
ფეხქვეშ ბილიკი გათბა, დარბილდა...

ამოჭიკჭიკი, ამოფრთხილდი
მწარე ობლობის ეკალბარდიდან.

ხმა დამადვენე სიტბოლ სოფლიდან,
გული ქალაქშიც გახსენ ალალი,
და ჩემს ხმას ძმურად შეეფოფინა
შენი ვარადა. პარიარალი...

ხალხი, სამშობლო, სითხო ოჯახის
დრომ თაიგულად გულში შეგიკრა.
ვისმენ აქამდე შენს ტბილ მოძახილს,
შენც სიმღერაში თმა შეგეფიქვა.

გავბაღარავდი, და რა ვილონთო,
ავგშორდეს ჭირი—ჯანის დამცემი..
მოდი, მომიჯექ და მოვიგონოთ
ჩვენი ორღობე, სახლისკაცები.

პოეტური ნოველები

ქახილი მთაში

მხატვარი: ლეონტი მანისაძე.

მე მაშინ პატარა ვიყავი, ხელები ცი დიდები იყო. თელზე ჩიტბატონები ბუღბუღებდნენ, ლურჯ ფოთლებზორის. მზის გრძელი სხივები ჩამოდიოდა. სხივები ხანდახან წყდებოდა — გაწყდებოდა ერთი რომელიმე და აენთებოდა იმავე წამს, გაწყდებოდა და აენთებოდა იმავე წამს...

ეს ჩიტბატონები ფრენდნენ. ჩიტბატონები მთელ დღეს ჭიკჭიკობდნენ, ფართქალებდნენ და წითელ-ყვითელ ფერებად ფრენდნენ.

თელების ქვეშ, მტვრადქცეულ ფუნეში, ცხენებგამოსხნილი კაპაკური ბრიკა იდგა, ძარბი ჩამკეწარი ბალახი ეყარა. ბალახს ქათმები ქექდნენ, მარცვლებს ეძებდნენ. ნაბაღდაღფარებულ კოფოზე კოჭლი მამალი გადი-გამოდოდა და რაღაცას ქადაგობდა — ყო-ყო-ყო, კუ-კუ-კუ-კრრრ...

მამალს აქერცილილი, ჩალურჭებული ჭიჭილი ჰქონდა.

ცხენბოდა.

უძრავი შერი ბუფებით, ბზუილით და მტვრის გახურებული წაწიდაკებით ივსებოდა.

ჩვენ თელის ფსევზე ვისხედით — მე, ანული და თინა. მე პატარა ვიყავი, პატარა ბიჭი, ექვსი-შვიდი წლის. ანული და თინა კი დიდები იყვნენ, დიდი ქალიშვილები. ანული ბოშასავით შავი, ტანწვრილი, ხმელმხრებანი. თინა — ფაფაშა, თეთრი, ღონიერი.

თინას წითლად დაწინწკლული მხხვილი, გაგარვარებული ფეხები ჰქონდა. მადლი, კაცკაცა ხმით იცინოდა და სიცოცხლის დროს წყლისფერი გახარებული თვალები ეხუტებოდა.

მე, ანული და თინა ბებერი თელის ფსევზე ვისხედით და თინას მამას პარკოფის ველოდებოდით...

ცოტა ხანში ცუბრიით დაბობნილ მოსართავიანი ქურანა ცხენები გამოჩნდნენ — თავის ქნევითა და ფრუტუნით ამოდოდა თიხისფერი ადმართზე, მზეში. უკან ცხენზე ქულდამოფხატული პარკოფი იჯდა. ტლაქი, მორბივით უსიცოცხლო ფეხები მიწამდე ჩამოეცოდა, ნელ-ნელა მოეპყებოდა და თან შოლტის ტარზე რაღაც კანაფს ახვედა.

ცხენებიც საოცრად დიდები იყვნენ. ვეება ფლოქვები, ტახტივით ფართო გავები და კასრივით დაბერილი ფერდები ჰქონდათ. როცა პარკოფი ბრიკაში აბამდა, მძიმედ მიძარბუნებდნენ მორყეულ ნალებს, ათხთახებდნენ ბულამ-ჭლარ კანს და უგულოდ იქნედნენ ძუაშემოწვეტილ კულებს.

თინა ანულის ერჩურჩულებოდა. ანული დაფიქრებული იჯდა — გრძელ-მკლავებიანი, გრძელკანჭა. მუხლები ერთმანეთისათვის მიეტყუებინა, წედ ნიკაპით დასწოდოდა, გაეწვინა წინ წვრილი მზონავი მარჯვენა ხელი და გაფხვიერებულ მიწაზე ეღობდალ ხუჭუჭთმიან ქალს ხატავდა.

ორივეს საზაფხულო მწვანე ქოშები ეცვა, ქოშებში მტვრის მრევლოდათ, შიშველი თითები გასტყუყუანებოდათ.

საკვირველი იყო და თითქო სასიამოვნოც — ანულის, უღამაზეს ქალი-შვილს ამ ქვეყანაზე, გრძელი დაბრცილი ფეხის თითები ჰქონდა.

თინა ანულის ერჩურჩულებოდა და ხანდახან მამისკენ აპარებდა მხერას.

ჩვენს იმანიში



ქარხანაში. 1947 წელს შევიდა თბილისის სახ. უნივერსიტეტის ფილოლოგიურ ფაკულტეტზე. 1949 წელს წავიდა სამუშაოდ სამგორის საარს. არხის მშენებლობაზე. 1952 წ. განაგრძო სწავლა უნივერსიტეტში და დამთავრა 1956 წ. პირველი წიგნი გამოვიდა 1953 წ. მერვე — „მეგობრისადმი მინაწერი წერილებიდან“ 1958 წ. მისი მოთხრობა „უქანასკნელ არღაღებზე“ პრემიარებულია ქურონალ „დროშის“ კონკურსზე.

დილით პარკოფის ბრიგადირთან ჩხუბი მოუვიდა და ახლა უგუნებოდ იყო. ცხენები შეება, ბრიკაში ბალახი გასწორა, შინიდან წალდი გამოიტანა და მაშინ ძლივს მოახტრბა ერთი სიტყვის თქმა:

— დასხედით!

ჩვენ სურა, მანეთები და თონები ბრიკაში ჩავაწყეთ. თინა წინა თვლის მორგვზე შედგა, ხელნას გადაწვა, მარჯვენა ფეხი აიქნია, პოპლამ და სიცოცხლით გადაგორდა ბრიკაში ჩაგებულ ბალახზე. პარკოფიმ შეუბღვირა, მაგრამ არაფერი არ უთქვამს. თინა მუხლებზე კაბას ისწორებდა.

ანული წითლდებოდა და ბრიკას ხან აქედან ეტიღებოდა, ხან იქიდან. ბოლოს ისიც მორგვზე შედგა. თინამ თავისი ღონიერი ხელები შეაშველა და ორივე ბალახზე გადაგორდა.

მეც ავედი, პარკოფის გვერდით, კოფოზე დავგექი. პარკოფიმ ნაბლისძველა გაისწორა, ცხენებს სადადეები აუქნია და დავიძარიტ.

პარკოფი ცხენის, კუბრის, თამბაკოსი და ფუნის სუნით იყო გაუღენთილი.

გზა ჭერ სოფელ-სოფელ მიდიოდა, მერე სასაფლაოსკენ აუხვია. სასაფლაოზე, იქით, ჩრდილოვან ფერდობში ქალიშვილის ძველი მარმარილოს ქანდაკება იდგა. მე ის ბევრჯერ მენახა. ვნახავდი და უცვლელი ამას ვამბობდი, რომ ეს ქანდაკება ანულის გავდა. ვნახავდი და ძვლების სასიამოვნო ტივილით გავიფიქრებდი — ანული რომ მოკვდება (რატომდაც ასე მეგონა, რომ ის ახალგაზრდა და ღამაში უნდა მომკვდარიყო), გავიზრდები თუ არა, ასეთ ძეგლს დავუდგამ-მეთქი, ღამაშ ადგილას, სურნელოვანი ცაცხვების ძირში...

ბრიკა წყნარი რიკრიკით მიჰყვებოდა ცხენებს. ანული და თინა ფეხმორთხმულნი იხსნდნენ, ხელები მთელ სიგანეზე გაშალათ, ჩასტეილებოდნენ ხელებს და ძიგძიგებდნენ, იცინოდნენ. თინა ისევე რაღაცას ერჩურჩულებოდა ანულის. ანული თვალებს ხრიდა, წითლდებოდა.

გზა ახლა ტუისკენ გაბრუნდა, შორსდარჩენილი მარმარილოს ქალიშვილი ფეხის წვერებზე წამოწეული გვადევნებდა თვალს. მის უკან ნაღვლიანი კვიპაროსები აპროდნენ შაბიამხანაფერ, მოცახცახე ცას.

ტუეში ჩიტები ჭიკჭიკობდნენ, ნესტის სუნი იდგა, გრილოდა, მზე გზაზე გაღმობრილ ტოტუმორის მოკვლევდა გზას.

ის ტუეც გავიარეთ და იმ ველში გავედით, საცა კარტოფილი ეთესა და ჩვენ უნდა გვეთოსნა. ანულის და თინას უნდა ეთოსნათ, პარკოფის ტიგო მოეჭრა, მე მარწყვი დამეკრიფა.

პარკოფიმ ბრიკა ძირგამომწვარ მუხასთან გააჩერა. ეტუბობდა აქ ადრეც ყოფილიყვნენ, ცეცხლი ნთებოდაო, გაჭულეტილი შაპაროსის კლოფი და ქაღალდები ეყარა. გაღმოვიდით, სურა და ჩანთები მუხის ფულუროში შევაწყეთ. პარკოფიმ წალდი წელში გაიტტო, ცხენები გამოლუშა, გაიტტა წინ და ველის შორეული ქიმიისკენ წავიდა, თინამ და ანულიმ თხელი დაწინწკლული თავსახვებები წაიკრეს და თონას შეუღვანდნენ.

მიწა რბილი იყო, შავი, საამურა.

თინას და ანულის თავსახვები უხდებოდათ.

მე მარწყვს დავუწყვე ძებნა, მაგრამ ამაოდ. ახლომანლო ფოთოლიც კი არ ჩანდა.

ის იყო პარკოფი თვალს მიეფარა და ტუიდან ჩექმებიანი ახალგაზრდა მტუტევე გამოვიდა. მხაროლივ ორულთიანი (თოფი ჰქონდა გადაკიდებული, თავზე თუშური ქული ეხურა, რომელზედაც თითბრის ერთმანეთზე გადაჭვირდინებული მუხის ორი პაწაწინა ფოთოლი ეკეთა. მოდიოდა და იცინოდა. მოანათებდა თეთრ, მაგარ კბილებს.

— ეგრე, ღამაშო, თინა, — დაწყო შორიდანვე, — ცოტა გატოვდი, თორემ მტისმეტად დამძიმდები და ვინმემ რომ შენი მოტაცება მოინდომოს, ვეღარც კი მოგერივა.

თინამ ანულის რაღაცა გადაურჩურჩულა და მერე მტუტევის მიუბრუნდა.

— თქვენისთანა ჩაჩულებიასათვის მე ეხლაც მძიმე ვარ.

— მე ვარ ჩაჩულია?!

— შენ არა, ცხვარიჭამია სოლიკო!

— თქვენი თენგიზა ხომ გაგიკარი ზედ ფეხებთან დიდედოს ლავაშივითა.
ხომ გაგიკარი!

— თენგიზი შენზე უარესი ჩაჩულია.

— შენ რაღა ხარ ისეთი ვითომ, ჰა?

მეტყველებ თოფი შოიხსნა და ბრიჩკას მიაყუდა. ჩექმები დაიძრო, ხალათის
სახელოები აიკაპიწა, კარტოფილში შევიდა და ანულის თოსს წასწვდა:

— ცოტა ხანს მათხოვდ, ანული, ერთი ვაჩვენო — როგორი ბიჭი ვარ!


— ოხ, შენც რაღა..

— მიყურე, აბა მიყურე!

ანულიმ თოხი მეტყვევს მისცა და თვითონ ხელეზივებულად, გარინდე-
ბული, გაღიმებული გაჩერდა.

თინა შედგა და მეტყვევს დამრიგებლურ კილოზე უთხრა:

— წადი, თორემ, ვიცი ფეხს მოიჭრი და ხათაბაღა იგანდები.



— ვინა, მე?

მეტყველებ მიწას თოხი მოუსვა და გაგიჟდა, მოუსვა და გაგიჟდა. თოხი
კრანანსავით ტრიალებდა ჰაერში. წავიდოდა განზე, წავიდოდა, წავიდოდა და
გაღმომეშვებოდა თინასაკენ.

— როგორი ბიჭი ვარ, ჰა!

თინა შეჩერდებოდა, თავსახვევს გაიხწორებდა და იცინოდა.

მწიფე თურაშაულივით უღვიოდა მკვრივი, შრგვალი ღლოყები.

ანულიმ ცოტა ხანსაც უყურა და მერე ბრიჩკისაკენ წამოვიდა, ქოშები
დაიხადა, მიწა დაბერტყა, ისევ ჩაიცვა და მეტყვევს და თინას გახედა. ისინი
უკვე შორს წასულიყვნენ. თინა კისკისებდა. თოსს გაჩქარებით იქნევდა და
კისკისებდა.

ანული თავქვეს დაჰყვა — თავდახრილი, ფეხის წვერებზე მჯერით. უცებ
მომიბრუნდა:

— წავიდეთ იქით, აი იქით! მარწყვი იქ იქნება.

ხელი მომკიდა და გამაქცია.

— გამოიქცევი. აბა, თუ ბიჭი ხარ, გამოიქცევი.

მივრბოდით მუხლამდე ბალახებში, ნაპერწკლებოვით ცვიოდნენ კალიები.
ვხსლტებოდით, ვიჭცოდით, ისევ ვიშართებოდით და მივრბოდით. მივრბო-

დით მანამდე, სანამ ანულიც არ დაიღალა და გულზე ხელი არ მიიღო. გულზე
ხელი მიიღო, მომიბრუნდა, გამიღიმა და მკითხა.

— დაიღალე?

არა-მეთქი.

— მაშ აბა კიდევ გაგიქცეთ!

ვეულზე ხელი ჰქონდა მიღებული და ისე მირბოდა. მირბოდა მანამდე, სანამ
ველი არ გათავდა და ფლატემ არ გადაულღობა ეზა. იქ, ფლატის პირას, შედგა,
ფეხის წვერებზე აიწია, აი ისე, როგორც მარმარილოს ქანდაკება იდგა სასაფ-
ლაოზე, თითქო გადახტომას აბირებდნო... იდგა და ირხეოდა. მერე თავსახვევი-
მოიძრო, დაატრიალა ჰაერში, მაღლა, და თითქო ვიღაცას ესალმებოდა ძირს,
ხეობაში, — გაგრძელებულად გააბა:

— აუუ!..

მთებმა ძახილითვე უპასუხეს.

— აუუ!..

— აუუ! — ისევ იძახდა ანული და ისევ ატრიალებდა თავსახვევს ჰაერში.

— აუუ! — კვლავ პასუხობდნენ მთები.

მე ქვემოთ, ჭაგის ძირში ვიჭექე და იქიდან ვუყურებდო.

ეს ცისკდღურზე იდგა — მაღალი, ლარივით აჭიმული, მის მაღლა ნიავი აფ-
რიალებდა თხელ თავსახვევს და მთებიდან ბრუნდებოდა შორეული ძახილი:

— აუუ!..

მე მაშინ პატარა ვიყავი...

მე მაშინ პატარა ვიყავი და კარგად აღარ მახსოვს, იყო ნამდვილად ასეთი
რამაც თუ არა. მაგრამ ახლა მაინც მერჩვენება, რომ ჰაერი ერთმანეთზე გადა-
ჭვარიდებულად ცისარტყელებით იყო სავსე, მთებიდან მობრუნებულ ძახილს
ჰქონდა ფრთები, და ღვი მოდიოდა, თეთრი მტრედივით მოფარფატებდა ამ
ცისარტყელების მაღალი, მაღალი თაღების ქვეშ.

უკანასკნელ არდადეგებზე

მე მაშინ უკანასკნელი არდადეგები მიმთავრდებოდა, ლელას ერთი კიდევ
ჰქონდა წინ...

როგორც კი ავტობუსი ხის ტოტებში ჩამალული ელნათურებით განათებულ
პატარა მოედანზე გაჩერდა, მე ის მაშინვე დავინახე. ვარდისფრად შეღებილ
მაღალი სახლის მხრიდან მორბოდა, უკან ხელიხელ ჩაკიდებული ორი გოგონა
მოსდევდა. გოგონები იცინოდნენ და რაღაცას ეძახდნენ. ლელა მიუბრუნდა,
გაუწვრა, ისევ გამოიქცა. გოგონებმა ერთმანეთს გადახედეს, ჩუმალ ჩაიცივნეს
და დაედევნენ შავ ქვაფენილზე თეთრი ფეხსაცმელების ოღნავი შეტებით, გან-
ზე გაწეული შიშველი მკლავების ქნევით.

ლელამ ავტობუსთან მოიბრინა, ვიღაც უკან-უკან მიმავალ დამხდურს დაე-
ჯახა, მოუბოდიშა, ახლა ჩემოდნებისთვის დახრილ ქაღალს გადააწვდა, თავი
ძლიფს შეიკავა, წამოყვლეყვლავდა — ცალი ხელი მაღლა ჰქონდა აწეული,
ცალითაც მხრებზე გადაცურებულ მარმარის მანდილს იკავებდა.

ავტობუსში ბნელოდა, მე ხმას არ ვიდებდი და მთელი ორი წუთი ასე ვი-
ყავით, ის — წამოყვლეყვლავებული, დაფაციცებული, შეწუხებული. მე —
გულაჩქროლებული, გაღიმებული.

ბოლოს დამინახა, ხალხი გამოარდვია, მომვარდა, ჩილიები დამიჭირა და
თავი მხარზე მომალდა. იმ წამსვე მისი თმების ნაცუნობმა სურნელებამ დამკრა,
დავინახე და, საცა ეს თმები იწყებოდა, თეთრი შუბლზე ვაკოცე.

არაფერი არ გვითქვამს, ისე გადავედით ტროტუარზე.

უცებ შეკრთა.

— ჩემი ბავშვები?

მისი ბავშვები თურმე იჭვე ჩვენი უკან იდგნენ და შემოგვიციცინებდნენ,
იღმებოდნენ, ერთმანეთს თითებს უმტვრევდნენ.

ლელა გაწითლდა, შუბლზე ხელი აისვა, გაიციწა.


— მოდი, ხელი ჩამოართვით! — უთხრა გოგონებს და ჩემზე ანიშნა.

გოგონები მოვიდნენ, ორივეს გრძელი, გრძელი, ბავშვური მკლავები
ჰქონდათ.

— ია და მზია!

მათ შეხახებ, ლელას უმცროსი დების შესახებ, ბევრი რამ ვიცოდი, მაგრამ
მე ისინი პატარა, პაწაწინა კუდრაჭა გოგონებდ მყავდა წარმოადგენილი.


— რის პაწაწინები! ჩემზე მეტად ესენი ქალიშვილობენ! — მომიგო ლელამ



და გოგონებს ხელი მოხვია. — ხომ კარგები არიან არა, ჭარჭო! ია და მზია! ხომ კარგები არიან?

გოგონებმა საყვედურით ახედეს და ერთმანეთს ამოეფარნენ. ისინი მართლა კარგები იყვნენ — ია და მზია! — შენ პირველად ხარ ჩვენს ქალაქში, არა? — პირველად. — მაშ აბა, თუმცა... ეხლა უკვე ღამეა. დათვლიერებას შერეც მოვასწრებთ. აბა ღრმად ჩაისუნთქე, აი ასე, როგორი ჰაერია, ჰა? ლელამ გულზე ხელი დაიდო და რამდენჯერმე ღრმად ჩაისუნთქა — გაღიმებულმა, თვალბეზილულულმა.

— როგორი ჰაერია? მთებზე თოვლი დევს, გაიხედე! — ავტობუსიდან ისულ მავ თოვლს ვუყურებდი. ის რა არის? — სარაფერი. საპარაშუტო კოშკი, თუ რაღაც ასეთი. აი, შილიციონერი რომ გადადის, სომ სხედავ, იქ ჩვენი ქუჩა იწყება. ჩვენი ლამაზი ქუჩა. იცი, რა კარგია, ჭარჭო? ძველებური სახლები, ფიცრული მესერები, ზედ ვარდები, ასე — გადმოყიდებულნი. ია, რას ეშვავობთ? იამ და მზიამ ტურები მაგრად მოკუმეს და ჩაშავებულ ცას შეაჩერდნენ.



მედიოდიოთ რიყის ქვით მოკირწყლულ სველ აღმართზე, ქვებზორის ბაღახე-ბი იყო ამოსული, ბაღახებზე წამი ბრწყინავდა. — სამი დღეა სულ წვიმს და წვიმს. დღეს, იცოდა რომ შენ უნდა ჩამოსულიყავი და გამოიდარა. მომეცი, საწვიმარს მაინც შე წამოგიღებ. — შე მომეცი, რა? — წამოიწია მზიამაც. — იყოს, რას მიზღოს. — მომეცი რა. იცით როგორ მიუყარს, როცა ასეთი რამე მიკავია ხელში? — მეტიჩარა! — გასწია იამ. — მომეცი რა! საწვიმარი მზიამ გამომართვა. მზიას ია წასწვდა, გასწიეს, გამოსწიეს. — რას სულელობთ, სულ არ გახიოთ! — ხიცილით გაუწურა ლელა. გოგონებმა დაირცხვინეს და რამდენიმე ნაბიჯით ჩამოგვრჩნენ. იმ ადგილას მივედი, სადაც წელან მილიციონერმა გადაიარა. — ესეც ჩვენი ქუჩა. აი, ბოძზე რომ სინათლე ანთია... იქით კაკლის ხე ჩანს შავად. იმ კაკლის ხის აქეთ ჩვენი სახლია. ჩვენი დედაცო გველოდება. თვითონაც უნდა წამოსულიყო, მაგრამ ერთი ნათესავი ქალი ეწვია და... იმ! — შეხედე, აი ის სამი განათებული ფანჯარა რომ არის, იქ ქეთინო ცხოვრობს. გუშინწინ თბილისში წამოვიდა, თორემ დღეს ისიც დაგვებდებოდა. რა სულელი გოგოა, იცი? გიცნობს, სულ გიცნობს. კაკლის ხეს რომ მივუახლოვდით ია და მზია წინ გაიქცნენ. — მოიცათ! — დაიძახა ლელამ, მაგრამ გოგონებმა არ გაუგონეს, მწვანე ალაყაფს მიაწვდნენ, თითქმის შეანგრის და შოგნით გადაცვივდნენ. ეწოში ფინია აწკავწკავდა. სადღაც ნათურა აინთო. ალაყაფისაკენ მომავალი აგურებით მოკირწყლულ ბილიკზე ლელას დედა ჩამოვიდა. — ესეც ჩვენი საყვარელი დედაცო! — გააგრძელა ლელამ, კარი ფართოდ გაიღო, გამაჩერა, თავი გვერდზე გადასწია და დაბინდული თვალებით გახედა, — ხომ კარგი დედაცო მყავს, ჭარჭო! ხომ საოცრად კარგი დედაცო მყავს? დედას თხელი შალის მჭიდროდ შემოკვართული რუხი კაბა ეცვა, თმა მოკლედ ჰქონდა შეკრებილი, ძლიერი ფეხებით პატარა, მტკიცე ნაბიჯებს მოადგამდა. ლელას სიტყვებზე გაღიმა, ნაბიჯი აერია, ალერსიანი საყვედურით შეხედა, ხელი გამოიწოდა და დაბალი, სახამოვნო ხმით მითხრა. — ლელამ, ალბათ, უკვე დაგვალათ — იმდენჯერ გეტყუდათ ჩემი კარგი ეს, ჩემი კარგი ის, ჩემი კარგი... ლელა მოხვია, გასწორდა, ფეხის წვერებზე აიწია. — განა ტყუილს ვამბობ? აბა შემოგვხედე, ხომ დებს ვგავართ. ნუ გრცხვენია, თქვი, ხომ დებს ვგავართ? ისინი მართლაც დებს გვანდნენ და მე არ შემრცხვენია, როდესაც ეს ვთქვი. დედამ გარცინა, ლელას ხელი გააშვებინა: — კარგი, შვალო, გეუფა! სტუმარი აქ ხომ არ უნდა გეყენოს ამალამ. — ხომ იდგები, ჭარჭო? მე ასე ვიდგებოდი თუნდაც ათ წელიწადს, მაგრამ ეს უკვე აღარ მითქვამს. ლელა ჩამეჭიდა, გამწია: — წავიდეთ, თორემ დედას უკვე ეშინია, რომ გავცივდებით. ია და მზია მოაჩირთან მომდგარიყვნენ და ცხუპავდნენ. — ჰინკებს არ გვანან? — მშვენიერი გოგონები არიან. — ხომ კი? დაბალი ქვის კიბე ავირბინეთ და აივანზე ავედით. ლელა წინ გაიქცა და მინებინი მაღალი კარი ზრიალით შეაღო. — ეს ოთახი მთლიანად შენს განკარგულებაში იქნება. საწოლი ფანჯარასთან დგას, თუ გაციებისა გეშინია, აქეთ გადმოვდგათ. ეს შუქტარი ასე ინთება, ნახე! ცოტა მოშლილია, დენმა არ დაგყარს, ვარსკვლავა უვავილები ხომ გიყვარს? აი იქ ონკანია, შეგიძლია ხელ-პირი დაიბანო და ისე გამოიბანდე სა-ღარ-ბაზოლ! ხო. ხანდახან რომელიმე ბავშვი როიალზე დაკვრის უფლებას ვთხოვს. შეგიძლია არც მისცე. ჩემოდანი ძირს დავდგი. უნებურად უკან მივიხედე. ოთახში მართლ ჩვენ ვიყავით, და როცა ისევე მისკენ მივბრუნდი, მის თვალბეზი პაწაწინა შიში წავიკითხე. ხელი არ გამოიძრეგია, მაგრამ მან მაინც თითი ტურთან მიიტანა და შერე გააქნა. ხმამაღლა კი ეს თქვა. — ეხლა ცოტა ხნით დაგტოვებთ. მოეწუე, როგორც მოხერხებულად მოგატყვენოს. აბა, ჭერჭერობით.

გარკელი, ლამაზი ხელი ზეასწია და კარი გაიხურა.

იატაკს სარკესავით გაჰქონდა კრიალი. ძველებურ, მრგვალ, მოჩუქურთმებული მაგიდაზე მწვანე სუფრა იყო გადაფარებული, ზედ ბროლის პირგანიერი ლარნაი იდგა, ლარნაჟში სხვადასხვა ფერის ვარსკვლავა ყვავილები იწყო. ვიცოდი, რომ ვარსკვლავა ყვავილებს სუნი არ ჰქონდა, მაგრამ ერთი ცალი მაინც ამოვიღე და დავეწოსე.

მერე გამახსენდა, რომ მიცდიდნენ. ჩემოდანში სასაპნე მოკებნე, ონკანზე ხელ-პირი დავიბანე, პერანგი გამოვიცვალე, თმა დავივარცხნე და გავვიღე.

ლელა ავიანზე დაშხვდა.

— მოგწონს ჩვენი ბაღი? აგერ ის დიდი — თუთაა. ცერის სიმსხო თეთრი თუთა.

— თუ მხოლოდ შენი ცერის სიმსხოა, მაინცდამაინც დიდად არ ყოფილა საკები.

ლელამ ხელი გამოშალა, დახედა, გაიცინა და მერე ზურგს უკან ამოიფარა.

— შენი ცერის სიმსხო რანაირი ხარ, იცი?

ხელი ჩამოუშვა და ისევ დახედა, ისევ გაეცინა, თითები გაფარჩხა და აათამაშა.

— რა, ცუდი ხელები მაქვს, ჯარჯო?

მარჯვენა ხელი დავუჭირე, უკან მიიხედა, გაწითლდა.

— კარგა, მეტყინა. — თქვა ჩუმად, მერე ხმამაღლა: — თუთის იქით რომ დგას, მაღალი — ბალია. გინახავს როგორი ლამაზია ბალი შემოდგომაზე? აბრეშუმივით თხელი, გამჭვირვალე ყვითელი ფოთლები აქვს, სულ ყვითელი, აღრეც ყვითლდება და სხვა ხეებს შორის უზარმაზარ სანთელივით დგას. ეს სულ თითა ყურძენია.

რკინის ბოძებზე გადაყვანილი დიდი თალარი აივნის შუბლის ხესთან იწეებოდა და შორს, ბაღის სიღრმისკენ მიდიოდა. ყურძენი შეთვალულიყო. თალარქვეშ მაგიდა და სკამები იყო გამართული.

— როცა ძალიან ცხელია, აქ ვსადილობთ ხოლმე. აქეთ-იქიდან სულ ყვავილებია. ეს მაღლები ხომ იცი — გეორგინები, აი იქითები — ლომისპირები, აქით — ქრიზანტემები, ვარსკვლავები. ფარდს ხედავ? ყვავის.

ია და მზიაც გარეთ გამოსულიყვნენ.

— ყველაფერს ჩვენ ვუფლით. ვაზის გარდა. ვაზს ბიძაჩემი სხლავს და სწამლავს. ბილიკის იქით იას და მზიას ნაკეთია, ბილიკის აქეთ — დედოცოსი და ჩემი. ჩვენი ხომ უკეთესია, ბა, ჯარჯო, ჩვენი ხომ უკეთესია?

— მააშ — თქვა იამ.

— ორივე კარგია, — ვთქვი სიცილით და იმ წუთში მივხვდი, რომ არც ერთმა არ დამიჭერა.

ბალიდან სიგრილე ამოდიოდა, ბაღის ბოლოში, მაღლა, ნიავი ამრიალებდა ალვის ხეების კენწეროებს.

დედა გამოვიდა.

— შინ შემოდით, შეილო, ნაწვიმარია, არ შეგცივდეთ.

— აი, უკვე! — თქვა ლელამ, გაიცინა, ხელი მომკიდა და წამიყვანა.

ამ ოთახს ცისფერი ჭალი ანათებდა და ჭალის ქვეშ პატარა, ლამაზი სუფრა იყო გაწყობილი.

— საით გიჩვენებია, რომ დაჭდე?

— სულ ერთია.

— განა ადგილის არჩევა არ იცი? ჩვენ ყველას ჩვენ-ჩვენი ადგილი გვაქვს. აქ დედოცოსის ხოლმე, აქ — მე, იქ — ია, იქ — მზია. შენ? შენთვის რომ აღარა გვაქვს ადგილი? შენ — ბანზე.

— რა სიტყვებს ამბობ, შეილო!

ლელამ გაიცინა.


— არა, დედოცო, ჯარჯოს არ ეწყინება, ჯარჯო, შენ აქ დაჯექი, ჩემს ადგილზე, მე აი აქ, შენს გვერდით. აბა დასხედით, მზია! რომელი საათია? ხო, ესლა რიხტერი დაუკრავს. აბ, აი უკვე, ასე, ხმადაბლა იყოს ხომ?

ბოლოს ლელაც დაჭდა.

დედა დავატრიალებდა თავს, ისიც შემოგვიერთდა.

ოთხივეს ცისფერი ალერსიანი, სიხარულით გაბრწყინებული თვალები ჰქონდა. ეალერსებოდნენ ერთმანეთს, ალერსით შემოქმედებდნენ მტეც და მე მივხვდი, რომ ყველამ იცოდა, ვინ ვიყავი და რისთვის ვიყავი ჩამოსული. საუბარი კი სასხვათაშორისო გვქონდა.

— ძალიან გაიტანებოდით ავტობუსში, — მითხრა დედამ, — საშინელებაა ჩვენი ავტობუსით მგზავრობა. ჩვენ ვერც ერთი ვერ ვიტანთ. ისევ მატარებელს ვამჯობინებთ, თუმცა მატარებელი ორჯერ მტეც ხანს უნდება აქ ჩამოხვლას.



ქართული
ბიბლიოთეკა

როდესაც ის ამას ამბობდა, დანის ტარით მაგიდის კიდეზე იყო დაყრდნობილი და მოკლედ შეკრებილი თმის ერთი ჭავლი მარცხენა წარბთან უთამაშებდა.

მე მივუგე, რომ ავტობუსში არ შევწუხებულვარ, რომ მე ყოველგვარ მგზავრობას ადვილად ვიტან და აქ ფეხითაც კი შემეძლო ჩამოსვლა.

— რას ამბობთ! — გაიკვირვა დედამ, — იცით რამდენი კილომეტრია თბილისიდან? ორასამდე.

წითელი სხსიამონვო ღვინით მივსებდნენ ბროლის სქელ ჭიქას და მასმევენენ. თვითონ ოდნავ აკარებდნენ ტუჩებს თავიანთ ჭიქებს, მე კი მაძალებდნენ და მასმევენენ.

მე ვსვამდი და თვალს ვედარ ვაცილებდი ვერც ერთს. ია და მზია ფისუნებივით იყურებოდნენ დანა-ჩანგლის ზემოდან. ლელა ქათმის საწიწნარას აწვალებდა და გამოცდების ამბებს ყვებოდა — სიცილით, ფეხის ბაკუნით. დედა კი მაღ-მაღლე ახსენებდა — ასე როგორ შეიძლება, შეილოო.

მერე ჩემს ოთახში ვისხედით. მე ვიჭექე მორჩილად და ნეტარებით ვაბოლებდი საგანგებოდ ნაყიდ ძვირფას პაპიროსს „მზიურ საქართველოს“. ია უკრავდა როიალზე — თავამეტებით, ტუჩების კვებით, მხრების თახაბით. ლელა მუტაში იგრავებდა ჩემს თმას და მარწმუნებდა, რომ საოცრად მომიხდებოდა მზიას ბავთა, მზია კრუტუნით გვივლიდა გარს, დედა მებასეკერ ეუბნებოდა დედას — ასე როგორ შეიძლება, შეილოო.


და არ ვიცი — ღვინის ბრალი იყო. ცისფერი ჭალის ბრალი იყო, უჩვეულოდ წყნარი ღამის ბრალი იყო, თუ მხოლოდ იმისა, რომ ოცდამესამე წელიწადი მისრულდებოდა — მეჩვენებოდა, რომ სადღაც ჩემს გზას ავცდა, წავიდე შორს და წავაწყდი ზღაპრულ მღვიმეს, სადაც ყველაფერი წმიდა, სათუთი ბროლისა და ფირუშისაგან იყო ნაყეთები, და საქმარისი იყო ხელი ოდნავ მოუწომლად გამეჭნია, დაიმსხვროდა, გაქრებოდა ყველაფერი.

ვიჭექე მორჩილად, ვაბოლებდი საგანგებოდ ნაყიდ ძვირფას პაპიროსს „მზიურ საქართველოს“ და ვიყავი კარგი, ლამაზი, კეთილი, ბედნიერი.

ორი დღის შემდეგ უკანასკნელი არდადეგები მიმოვარდებოდა. ლელას ერთი არდადეგები კიდევ ჰქონდა წინ...

ნამგალა მთვარე ამოსულიყო ბაღის ბოლოზე, ალვის ხეების კენწეროებს შორის. მამლები ყოიდან სადღაც შორს — წყნარად, გაგრძელებულად...





ლიდი ბესნოვას ლაბორატორიაში

მეკაბე მელითაური

როდესაც კათედრასთან აჩქარებული ნაბიჯით ტანმორჩილი, მაგრამ მხნე მოხუცი მივიდა, ახალგაზრდული ღიმილით და თითქოს რაღაც გამოწვევით გადახედა დარბაზს, ისეთი ტაშისცემა ატყდა, გვეგონებოდა ზღვიდან მოვარდნილი ქარიშხალი შემოიჭრა აკადემიური ღუმელით მოცულ დარბაზში. მოხუცი კი თითქმის გაკვირვებით უტყვრდა მისდამი პატივისცემის ამ გამოხატულებას, მერე თავის დაკვირვებით მადლობა გადაუხადა და იმ საქმიანი ხმით, რომელსაც ასე კარგად იცნობენ ათასობით მისი ნამოწაფარები და მთელი მსოფლიოს ფიზიოლოგები, დაიწყო საუბარი საკითხზე, რომელიც აგერ რამდენი წელია მისი კვლევის საგანს შეადგენს.

იგი ლაპარაკობდა ადამიანის ნერვული სისტემის „ცენტრალური შეკავების“ მექანიზმზე. ლაპარაკობდა სადად და უბრალოდ, თუმცა საუბრის საგანი ადამიანის ნერვული სისტემის ურთულესი გამოკვლევების შედეგი იყო, ხოლო დარბაზში თავი მოეყარათ გამოჩენილ ფიზიოლოგებს.

ეს იყო შარშან, აგვისტოში, არგენტინის დედაქალაქ ბუენოს-აირესში, სადაც შეიკრიბა საერთაშორისო ფიზიოლოგთა კონგრესის XXI სესია...

აკადემიკოს ივანე ბერიტაშვილს 75 წელი შეუსრულდა. ეს თარიღი თანხვდა მისი სამეცნიერო მოღვაწეობის 50 წლისთავს. ყოველი წელი ამ ნახევარი საუკუნის დაუღალავი შრომისა დიდი მეცნიერის შემოქმედებითი გაფურჩქვნის წელი იყო. დაწყებული იმ დღიდან, როდესაც მან, მესამე კურსის სტუდენტმა (ეს იყო 1909 წელს) დაიწყო მუშაობა პროფესორ ნ. ვედენსკის ლაბორატორიაში, მთელი ამ ორმოცდაათი წლის განმავლობაში იგი „სრული დატვირთვით“ მუშაობდა, შეუწყობდა ენერჯით, მიზანმისწრაფებულად და დაუღალავად.

ივანე ბერიტაშვილის მეცნიერული ინტერესები მეტად ვრცელია, მაგრამ არის საკითხები, რომლებიც მთელი ამ ორმოცდაათი წლის განმავლობაში მის ყურადღებას იზიდავდნენ. და სწორედ ეს „შეკავების პროცესი“, რომლის მექანიზმის აზიზნა მისი მეცნიერება მრავალი წელი მოანდომა, რომლის შესახებ ესაუბრებოდა იგი საერთაშორისო კონგრესის წევრებს ბუენოს-აირესში და რომელიც ახლაც მისა და მის მოწაფეთა ყურადღების ცენტრშია, ივ. ბერიტაშვილის ერთ-ერთი პირველი შრომის საგანს შეადგენდა.

ამ საკითხზე მიიზიდა ახალგაზრდა მეცნიერის

ყურადღება სამეცნიერო გზის დასაწყისში, როდესაც მან სრულიად ახალი სახის კვლევის იარაღი — „სიმებიანი გალვანომეტრი“ გამოიყენა და აკადემიკოს ა. უხტომსკის თქმით — „შეიქმნა სახელი ფიზიოლოგიის ისტორიაში“.

ამ საკითხს მეცნიერი შემდეგშიც, ოცდაათიან წლებში, დაუბრუნდა, ხოლო ახლა, უკანასკნელი ათი წლის განმავლობაში უკვე „ფართო ფრონტი“ — თავის მრავალრიცხოვან მოწაფეებთან ერთად აგვირგვინებს.

და აი, ჩვენ დიდი ქართველი ფიზიოლოგის, მრავალ აკადემიათა და სამეცნიერო საზოგადოებათა წევრის, სახელმწიფო მეცნიერის ლაბორატორიაში ვართ.

— რაზე მუშაობთ ახლა?

ოდნავ გაღიმებული თვალებით, — მეცნიერი ხელს შლის, თითქოს არ იცის რითი დაიწყოს, — მის წინ სამუშაო მაგიდაზე მრავალი ქურნალი და წიგნია.

აი სწორედ ახლა მოიტანეს საქართველოს მეცნიერებათა აკადემიის გამოცემულიდან ახალი შრომა „უმადლეს ხერხემლიან ცხოველთა სივრცითი ორიენტაციის ნერვული მექანიზმები“. ახლანდევ მოსკოვში, სამედიცინო გამოცემლობამ გამოუშვა ივ. ბერიტაშვილის ვრცელი მონოგრაფიის „კუნთების ნერვული სისტემის ზოგადი ფიზიოლოგიის“ პირველი ტომი. ახლა მეცნიერი ამ მონოგრაფიის მეორე ტომს ამზადებს გამოსაცემად.

— სექტემბერში ბოსტონის სამედიცინო გამოცემლობას (ამერიკის შეერთებული შტატები) უნდა ჩავაბარო აი ეს დიდი წიგნი „უმადლეს ხერხემლიან ცხოველთა ქცევის ნერვული მექანიზმები“. ახლა დავამთავრე წერილი საკავშირო მეცნიერებათა აკადემიის მოამბისათვის „ნათხემის როლის შესახებ სივრცით ორიენტაციაში“. იგი შეიცავს ზოგიერთ დასკვნას იმ მუშაობიდან, რომელსაც რამდენიმე წელია ეწევა მეცნიერი. ეს დიდი პრობლემა — „უმადლეს ცხოველთა სივრცითი ორიენტაციის ნერვული მექანიზმი“ — მიზნად ისახავს გამოარკვეოს, თუ როგორ ახერხებენ ცხოველები და ადამიანები ორიენტაციას სივრცეში და ნერვულ სისტემის რომელ ცენტრს აქვს არსებითი მნიშვნელობა ამ ორიენტაციის წარმოქმნაში.

აღმოჩნდა, მაგალითად, რომ ბგერის წყაროს მიმართულების ლოკალიზაცია დამოკიდებულია ძირითადად ტვინის ქერქზე, მაგრამ იგი ვერ შე-

ასრულებს ამ ფუნქციას, თუ ნათხემი არ დაეხმარა.

ახლა ივანე ბერიტაშვილის ლაბორატორიაში იკვლევენ იმას, თუ ნათხემის რომელი ნაწილი ასრულებს ამ ფუნქციას. ეს მრავალკერძო ექსპერიმენტს მოითხოვს.

— თუ შეიძლება დავესწროთ თქვენს ცდებს?

— რასაკვირველია...

სწორედ ამ დროს ლაბორატორიაში ვილა ვასიშვილმა შემოიხედა.

— „ცუგა“ მზადაა ცდისათვის.

ცდის მიზანია გამოვარკვეოთ, თუ რა როლი აქვს ძალის სივრცით ორიენტაციაში ნათხემის იმ ნაწილს, რომელიც ცუგის ხელოვნურად აქვს დაზიანებული.

აკადემიკოსი წერს ცდების ქურნალში:

— 4 ს. 26 წუთი...

და იწყება ცდა, ერთი იმ ასეულ თუ ათასეულ ცდათაგანი, რომლებზედაც დაყრდნობით, შემდეგში ივ. ბერიტაშვილი აავებს ვრცელ თეორიულ განზოგადებას.

დაძახებულად მიდის წუთები, და ცუგასაც თითქოს ესმის თავისი „მუშაობის“ მნიშვნელობა. საქმიანად და ერთგულად ასრულებს ყველა დავალებას.

— ჩვენი კინოსურათი არ გინახავთ? — ყველა ცდას ივ. ბერიტაშვილი ფირზე იღებს, ამისათვის მას უნივერსიტეტის ლაბორატორიაში საგანგებო „კინოსტუდია“ აქვს მოწყობილი, რომლის გამოშვებული კინოსურათები უნახავთ მსოფლიოს მრავალი ქალაქის ფიზიოლოგებს.

ივ. ბერიტაშვილი დიდ მნიშვნელობას ანიჭებს მეცნიერთა შორის აზრთა გაცვლა-გამოცვლას; სწორედ ამ მიზნით მან 1949 წელს წამოიწყო ეგრეთ წოდებული „გაგარის საუბრები“. გაგარში, შემოდგომის თვეებში იკრიბებიან რაიმე გარკვეული საკითხით დაინტერესებული ფიზიოლოგები და აწყობენ აზრთა გაცვლა-გამოცვლას. აგერ კარადაში ამ შესანიშნავი სამეცნიერო შეკრების შედეგები — „გაგარის საუბრების“ სქელი ფოლიანტები.

უახლოესი „გაგარის საუბარი“ 1961 წელს შესდგება. მისი თემაა „ზადისებრი წარმონაქმნისა და ქერქზე ურთიერთ მოქმედება“.

მაგრამ დიდი მეცნიერი არ იფიქრებს არასპეციალისტებსაც:


— ვემზადები გურჯაანის რაიონში მოხსენების წასაკითხად უკანასკნელი შრომების შესახებ...


— აი ამ კინოსურათსაც უაჩვენებ ჩემ სამშობლო სოფლის — ვეჯინის პიონერებს...

სწორედ იმ სურათზე გვიხიბავს, რომელსაც ამ რამდენიმე თვის წინათ ბუენოს-აირესში აჩვენებდა ფიზიოლოგთა კონგრესზე.

ამ დიდ მეცნიერს ერთნაირად ემარჯვება განსწავლულ კოლეგებთან და ჯერ ცოდნის კართან მყოფ ახალგაზრდებთან საუბარი, თავისი დადი ცოდნის გაზიარება და მეცნიერების საწყისების გაცნობა.

დაუსრუტელი ახალგაზრდული ენერჯით შრომის დიდი საბჭოთა ფიზიოლოგი, აკადემიკოსი ივანე ბერიტაშვილი და სულ ახალი და ახალი აღმოჩენებით ამდიდრებს მშობლიურ მეცნიერებას.






ს. ჩახოიანი — რუსთავი

თ. მირზაშვილი — სკოლის ეზოში


საქართველოს კვ XX ყრილობის დღეებში სახელმწიფო სურათების გალერეაში გაიხსნა ახალგაზრდა მხატვართა გამოფენა. გამოფენაზე წარმოდგენილია 150 მხატვრის 450-მდე ნაწარმოები. ამ გამოფენამ, რომელიც მნახველთა დიდ ინტერესს იმსახურებს, ნათლად დაგვანახა ქართულ საბჭოთა სახვითი ხელოვნების განვითარების აღმავლობა და გამოავლინა ახალგაზრდა მხატვართა ნიჭიერი თაობა. ვათავსებთ რამოდენიმე ექსპონატს ამ გამოფენიდან.







რ. იაშვილი
კერამიკულ სსსმისი

ა. გორგაძე
რუსთავის მეტალურგები



დ. ერისთავი
კალათბურთელები



რ. თარხან-მოურავი
ლახტი



გ. კორძაბია
ქალიშვილი





ქ. ძაძაშვილი
ქართული
ბიბლიოთეკა



ვ. ონიანი — ხალდეველები



მ. დურგლიშვილი — ნატურ-მორტი



ზ. წერეთელი — გადარბენა



აჭარის მთებში

პირველი მოველ, პირველად გვედავ ამ მწვერვალებსა, ამ მწვენი მდღეოს, რა წარმტაცია ყოველი ხედი, რა მდიდარი ხარ, შენ, საქართველოვ!

წინ მანძილია ვრცელი, უღვევი, ვისწრაფვით, ვჩქარობთ, ქარივით მივჭერთ, გზები მიხვეულ-მოხვეულები, დაუნდობელი, ვით ქალის ფიჭრი.

ამ ცივ კლდეების თითო ნატეხი მშობლიურია, ჩემთვის ნაცნობი, თითქოს ამ მთებში ამიდგამს ფეხი და ბავშვობაში მეც აქ ვანცობდი.

ვნანობ, რომ ჩემი ცხოვრების გზები ისე გავცვიოთ, ისე გავლეო, თქვენზე არ ვწერიდ ლექსებს აღგზნებით, თქვენი ჩანჩქერი რომ ვერ დავლიო.

აჭარის მთებში არ დამემდურათ, ჩემს დანაშაულს გამოვისყიდი, ახლა მეც მიყვარს ცხოვრება მყუდრო და მკვიდრი როგორც თამარის ხიდი.

აწმყო ძველ ნაშენს როდი დაანგრევს, მოგონებაშიც ყველა აღსდგება, და ძველი ციხე, ძველი სიმაგრე ლექსის საძირკვლად გამოიადგება.

თქვენი თვალები სხვას გაგონებენ

რად განმორდა აქ ძველი დარდი? უფლი ფრიალებს ვით ზღვაზე აფრა... თქვის ტალღა იყო, თუ ცის ლაქვარდი, თქვენს ლურჯ თვალებში რომ ჩამესაფრა?

ისევ რკინის გზა და ვაგონები... კვლავ ძველი დარდი გადამეღობა. თქვენი თვალები სხვას მაგონებენ— დაკარგულსა და ერთგულ მეგობარს.

ცხოვრების გზები მქონდა ხვეული. მე უნებლიეთ ბევრი ვიცადე. მაინც მაღლობა—შორს გაქცეული ახალგაზრდობა რომ განვიცადე.

ჩემი გულის გამოცდა იყო

ზღვამ ვერ დამდალა, ჩემი გული ხომ უფრო მდღევარე და სათუთია, იმასაც ვიგრძნობ, სხვა რას გულისხმობს, თუ ვინმემ ფიქრებს დამე უთია.

ვერ მაჯობებენ ეს მწვერვალები, ჩემი სული ხომ მხნე, მაღალია, კვლავ სიხარული ჩადგა თვალებში და სიბერისთვის ჯერ არ მცალია.

ჩემი განცდებიც ცვალებადია: გულის უჯრები თითქოს გაიღო; მხოლოდ ერთი რამ ჩემთვის ცხადია— ეს ჩემი გულის გამოცდა იყო.

და როცა, დეგო, მაინც მოკვდები, დადგება ქამი აღსასრულსა, კულში გამყვება ოქროს ზოდები დაუნარჯავი სიყვარულისა.



ქართული მილიცია მოსკოვში 1917 წლის თებერვლის დღეებში

ჩვენს წინაა მეტად საყურადღებო და საინტერესო ფოტოსურათი — ქართველ სტუდენტთა მილიცია 1917 წლის თებერვალში ქალაქ მოსკოვში. ამ სურათზე გამოსახული არიან შემდეგი პირები: პოეტი ი. მჭედლიშვილი, ე. მირიანაშვილი, ავრონომი კანდელაკი, ცნობილი ბოლშევიკი კ. გობეჯიშვილი, ნ. აბაშიძე, ნადარეიშვილი, ბ. ჟღენტა, ვანეჩილაძე, მ. ჩხეიძე, ჩომახიძე, გრ. ვაბუნიანი, ვლ. ფანაშვილი, ბრეგაძე, ნ. აბესაძე, დოცენტი გვარამია, კ. ასათიანი, ფანცხვაია, მარუაშვილი, იაშვილი, თ. ჩიქოვანი, აღნაშვილი, ლორთქიფანიძე, მ. ბერიძე, ვ. ბრეგაძე, დ. იაშვილი, ლ. კვებორელი-კობაძე, ვერულაშვილი, სუმბათაშვილი და სხვები. რამდენიმე მათგანს ჩვენ ვესაუბრეთ: კ. ლორთქიფანიძეს, ბიჭიკო ჟღენტას, მ. ჩხეიძეს. ვკითხეთ მილიციის ჩამოყალიბების და საქმიანობის შესახებ.

ამ მილიციის უშუალო ხელმძღვანელმა მ. მ. ჩხეიძემ ჩვენთან საუბარში განაცხადა:

ქართველი სტუდენტების დიდი ნაწილი მეფის თვითმპყრობელობის დამხობას აღტაცებით შეგხვდით. ამ პერიოდში მოსკოვში იმყოფებოდა დიდძალი ქართველი სტუდენტობა. აქ დაარსებული იყო სტუდენტთა სათვისტომო, სადაც ხშირად ეწყობოდა საღამოები.

ქართველ სტუდენტთა ერთი ნაწილი უშუალო მონაწილეობას იღებდა რევოლუციისაში.

რეაქციონერები აგროვებდნენ იარაღს კრემლის ერთ-ერთ დარბაზში. საჭირო იყო ამ იარაღის ხელში ჩაგდება და რევოლუციის მიზნებისათვის გამოყენება. ამ საქმეში მონაწილეობის მისაღებად ჩვენ, ქართველი სტუდენტები, ერთ დღეს შევედით კრემლის დარბაზში, სადაც დაგროვილი იყო დიდძალი იარაღი. იქ მყოფთ გამოგვცხადეთ, რომ იარაღი დაუყოვნებლივ უნდა გადაეცეს რევოლუციურ პარტიას. დარბაზი დატოვა ყველა შავრაზმელმა და რეაქციონერმა.

მე, მიხეილ ჩხეიძემ ქართველ სტუდენტებთან: ბიჭიკო ჟღენტან, გობეჯიშვილთან, ა. კანდელაკთან ნ. ლორთქიფანიძესთან, ი. მჭედლიშვილთან ერთად ვიკისრეთ იარაღის მიღება და სათანადო დავთარში გატარება, ამავე დროს ამხანაგებს დაევალი შეეტყობინებოთ მოსკოვში მყოფ სტუდენტებისათვის, რომ სასწრაფოდ მოსულიყვნენ შესაბამისად, რათა ქალაქში შავრაზმელთა და რეაქციონერთა თარეშის აღსაკვეთად შეგვექმნა დროებითი მილიცია. მართლაც, სულ მოკლე ხანში სტუდენტებით გაივსო კრემლის დარბაზი. სტუდენტები დაიყვნენ 10-10 კაცისაგან შემდგარ ჯგუფებად,

რომლებიც შეიარაღებული იყვნენ ყოველგვარი იარაღით. ასე შეიქმნა ქართული მილიცია მოსკოვში. მეორე დღეს ქართული მილიცია უნდა გამოცხადებულყო მუშათა და ჯარისკაცთა საბჭოების აღმასრულებელ კომიტეტში დანიშნული დროისათვის. იქ დიდძალი შეიარაღებულმა სტუდენტობამ მოიყარა თავი. ამის შემდეგ მილიცია მიწვეული იქნა „მეტროპოლის“ შენობასთან, სადაც მოთავსებული იყო ქალაქის რევოლუციური კომიტეტი. ქალაქის კომიტეტისაგან ჩვენ, ქართულმა მილიციამ სამსახურებრივი მოვალეობის შესასრულებლად მივიღეთ შენობა, გენერალკოვის ქუჩაზე, სადაც ადრე მეფის მთავრობას ჰქონდა საიდუმლო განყოფილება. შენობა მთლიანად გადმოვიდა ჩვენს ხელში. აგრეთვე, დამატებით გადმოგვცეს იარაღი, მკლავზე გასაკეთებული ნიშნები, რომელზედაც აღნიშნული იყო **М. Н. М.—Московская Народная Милиция**. ამასთანავე თვითუღ მილიციონერს დაურიგდა პირადობის მოწმობა. ჯამაგირის სახით მათ ეძლეოდათ დღეში 1-მანეთიდან 3-მანეთამდე.

ჩვენ დავავლებული გვექონდა შავრაზმელებისა და კონტრრევოლუციონერების დაპატიმრება. დავაპატიმრეთ ყოფილი ქალაქის უფროსი გროზდოვი, შავრაზმელი მარტინოვი, რომელსაც მივეუჩინეთ სიმონ ხუნდაძე, როგორც კარგი და საიმედო მილიციელი. გავჩხრიკეთ შავრაზმელის მიტროპოლიტ ვოსტოგოვის ბინა, სადაც აღმოვაჩინეთ შავრაზმული ლიტერატურა — და ყუთები შავრაზმული ნიშნებით, აგრეთვე, საბრობაგანდო ლიტერატურა (ეს ყუთები ჩვენმა მილიციამ წამოიღო და დაწვა). არქივო კანდელაკმა და ნიკოლოზ აბაშიძემ დააპატიმრეს პრისტაივი. ბიჭიკო ჟღენტას მიღებული ჰქონდა სპეციალური მოწმობა, რომლის ძალითაც მას შეეძლო ყველა სათვისტომო ყოველნაირი იარაღი. ბოლშევიკ ლაზარევის დავალებით მან მოსკოვიდან პეტერბურგში გაგზავნა დიდძალი იარაღი რევოლუციონერთა დასახმარებლად. ეს იარაღი დაგროვილი იქნა საპოლიციო უბნების აღების დროს. ქართულ მილიციას კიდევ ბევრი კარგი საქმის გაკეთება შეეძლო, მაგრამ დროებითა მთავრობამ საბჭოების ნებასურვილის აღმასრულებელი ქართული მილიცია დაშალა. მიუხედავად ამისა, მარტო ფაქტად 1917 წლის რევოლუციის პერიოდში მოსკოვში ქართული მილიციის არსებობისა, საყურადღებო და საგულისხმოა.

შოთა ხანთაძე,
თენგიზ ჩხეიძე.



როგორც იქნა მოიღეს წყალობა. ბარათით შემატყობინეს, ბიუროში გამოვ-
ცხადებულიყავი; მეც წავიდი. ბიუროში ყველანი კეთილად შემხვდნენ. მოხე-
ლემ კარტოტეკიდან ჩემი ბარათი ამოაძრო, „მამ“, ჩაილაპარაკა. მეც „მამ“
წარმოვთქვი. „რომელი ფეხი?“ — მკითხა მოხელემ.

„მარჯვენა“.
„მთლიანად“
„მთლიანად“.

„მამ, — ჩაილაპარაკა მან კვლავ. შემდეგ რამდენიმე სხვა ბარათიც ვადა-
თვალეირა. ნება დამრთეს ჩამოვმჭდარიყავი.

ბოლოს მოხელე ერთ ჯალაღღზე შეჩერდა, რომელიც მას, ალბათ, ყველაზე
მართებული ეჩვენა. „ვფიქრობ, — თქვა მან, — ეს სწორედ თქვენთვისაა
ზედგამოჭრილი, შესანიშნავი საქმეა. დაშვადარს შეგეძლებათ მუშაობა. ფეხ-
საცემლების მწმენდავად საზოგადო საპირფარეშოსთან რესპუბლიკის მორედან-
ზე. რას იტყვი ამჯერ“

„ფეხსაცმელების წმენდა არ შემიძლება; მე ყოველთვის უსიამოვნება
მხვდებოდა გაუწმენდავი ფეხსაცმელების გამო“.

„შეგიძლიათ შეისწავლოთ, — მითხრა მოხელემ. — ყველაფრის სწავლა
შეიძლება. გერმანელს ყველაფერი შეუძლია. თუკი სურვილი გექნებათ, შე-
ვიძლიათ უფასო კურსებიც გაიაროთ“.

„მამ — წამოვიძახე მე.
„ესე იგი, გადაწყდა“.

„არა, — ვთქვი მე. მინდა, ცოტა მეტი შემოსავალი მქონდეს“
„თქვენ ხომ არ შეშლილხართ?“ მითხრა მან შეგობრულად და გულ-
კეთილად.

„არ შევშლილვარ. არავის შეუძლია ქვეყანაზე ჩემი დაკარგული ფეხი და-
მბრუნოს. მე პაპიროსის გაყიდვასაც მიკრძალავენ, უკვე ახლავე მიქმნით
სიძნელებებს“.

მოხელე საქმის ზურგს მიეყრდნო და ხარბად ჩაისუნთქა ჰაერი.

„ძვირფასო მეგობარო — დაიწყო მან, — თქვენი ფეხი — საოცრად
ძვირფასი ფეხია. მე ვხედავ, რომ თქვენ ოცდაცხრა წლისა ხართ, გულით
ჭანჭრთელი და საერთოდ საღისეობაში, ფეხი რომ არა... თქვენ იცოცხლებთ
სამოცდაათ წელს. იანგარიშით, რამდენს შეადგენს თვეში სამოცდაათი მარკა
თორმეტჯერ გამრავლებული, ე. ი. ორმოცდაერთი გამრავლებული თორმეტჯერ
და სამოცდაათზე. იანგარიშით ყველაფერი ეს და მიუმატეთ პროცენტები და
მიიღეთ მხედველობაში, რომ თქვენი ფეხი არაა ერთადერთი, ამავე დროს
თქვენ არა ხართ გამონაკლისი, ერთადერთი, რომელიც ნამდვილად დიდხანს
იცოცხლებთ. თქვენ გინდათ შემოსავალი გაგიზარდოთ? ბოდიში, მაგრამ
თქვენ გაგიფუტულხართ“.

„ბატონო ჩემო, — ვთქვი და საქმის ზურგს მივეყრდნე, თან მთელი მკერ-
დით ჰაერი შევისუნთქე, — მე ვატყობ, თქვენ ნაკლებად აუფასებთ ჩემს ფეხს.
ის უფრო ძვირია, ვიდრე თქვენ გგონიათ. ეს არაჩვეულებრივად ძვირფასი
ფეხია. საქმე ისაა, რომ მე არა მარტო გულით ვარ ჭანჭრთელი, არამედ თა-
ვიც საკმაოდ ჭანხალი მაქვს. ყური მივდებ“.

„მე ცოტა დრო მაქვს“.

„ყური მივდებო! — ვთქვი მე, — ჩემმა ფეხმა მრავალი დაშინა. ხსნა
სიკვდილის კლანჭებისაგან. ისინი ახლა გვარიან პენსიას იღებენ, ეს ასე მოხ-
და: მე მარტო ვიწევი სადღაც წინა ხაზზე; დაავლებული მჭრელა მტრისთვის
თვალი შედევნებია, რათა ჩვენებს დროულად დაეხმოს პოლიციებიდან. ზურ-
გის შტაბი საჩქაროდ იკრავდა გულა-ნაზადს, მაგრამ არ სურდა ძლიერ ადრე-
ან ძლიერ გვიან გაპარულიყო, დროულად სურდა წახვლა. თავდაპირველად
ჩვენ ორნი ვიყავით, მაგრამ მეორე ადრიანად გამოასალმეს წუთისოფელს.
თქვენ იგი უკვე აღარაფერი გიღმრთ. მართალია, იგი ცოლიანი იყო, მაგრამ
ცოლი ჭანჭრთელია და მუშაობის უნარი შესწევს, ეს თქვენ ნუ შეგაშინებთ.
სულ რაღაც ერთი თვე იმსახურა და ძალიან თავიც დაჭდა, რაღაც ორცხო-
ბილას ერთი ბარათი. იგი ძლიერ ყოჩაღი ჭარბკაცი იყო, კარგი ქნა, რომ თა-
ვი მოაკვლევინა. და, აი, მე მარტოდმარტო დავრჩი, მეშინოდა კიდევ, ამახ-
თანვე ციოდა და ის იყო, მეც წახვლას ვაპირებდი, რომ...“

„მე დრო არა მაქვს“, — გამიმოხრა მოხელემ და ფანჯარს დაუწყო ძებნა.

„არა, მომისმინეთ, — ვთქვი მე, — ყველაზე საინტერესო ახლა იწყება.
სწორედ წახვლას რომ ვაპირებდი, ეს ამბავიც მოხდა. და რადგანაც წამოვდგო-
მა ვერ შევიძელი, ვიფიქრე: ჩვენებს ნიშანს მივცემ-მეთქი. ასეც მოვიტყევი.
ჩვენები ყველანი გაიკრიფნენ, რიგრიგობით, წესიერად, ჭერ დივიზია, შემდეგ
პოლიცი, შემდეგ ბატალიონი და ა. შ. როგორც წესი და რიგია. სისულელე ჩა-
ვიღინე — მათ დაავიწყდათ ჩემი წაყვანა, ვესმით? უკვე ძალიან ჩქარობდნენ.
ნამდვილად ბრძოლი გამოვდექი: მე რომ ფეხი არ დამეკარგა, ისინი ყველანი
დაიხოცებოდნენ: გენერალიც, პოლკოვნიკიც, მაიორიც, ყველანი რიგ-რიგო-
ბით, როგორც წესი და რიგია და თქვენც აღარ მოგიხდებოდათ მათთვის პენ-
სიის გადახდა. აბა, იანგარიშით რამდენი ღირს ჩემი ფეხი. გენერალი ორმოც-
დათორმეტი წლისაა, პოლკოვნიკი — ორმოცდაორის, მაიორი — ორმოცდაათის,
ყველა ჭანჭრთელია თავიდან ფეხებამდე, და სამხედრო სამსახურის პირობებში
ისინი სულ ცოტა შინდენბურგით ოთხმოც წლამდე შიადწევენ. ინებთ და
იანგარიშით, ახსამოცი გავამრავლოთ თორმეტჯერ და კიდევ ოცდაათზე, საშუ-
ალოდ შეიძლება ოცდაათი წელიწადი ვიანგარიშოთ, ხომ ასეა? ჩემი ფეხი,
ნამდვილად ძვირფასი ფეხია, ერთ-ერთი ყველაზე ძვირფასი ფეხია, რაც კი მე
შემხვდებოდა ვესმით“

„თქვენ ნამდვილად შეშლილი ხართ“, — მითხრა მოხელემ.

„არა, — ვუპასუხე მე — სრულიადაც არ ვარ გიჟი. სამწუხაროდ, თავი
ისეთივე მაგარი მაქვს, როგორც გული. მხოლოდ ძლიერ სავადგლოა, რომ არ
მომკვნი. ჩვენ ხომ უამრავ ფულს დავწოვავდით“.

„ყბულის ხართ თუ არა იმუშაობთ... თმ ადგილზე“ — მკითხა მოხელემ.

„არა“, — ვუთხარი და იჭაურობას გავეცალე.

თარგმანი გერმანულიდან ნოდარ რუხბაძისა.

ქართული ხალხური ორნამენტი

დღემიწის ზურგზე არ მოიპოვება
ისეთი ხალხი, რომელსაც არ მქონდეს
საკუთარი, მისთვის სპეციფიკური,
ისტორიულად გამოშუაგებული ორ-
ნამენტული დამწერლობა, ორნამენ-
ტი (ნაჭრელი). ხალხურ ორნამენტში
ჩაქსოვილია ხალხის, უშუალო მწარ-
მოებლის სული და გული, მისი
გრძობა და გონება, მისი ოსტატობა.
მდიდარი და მრავალხასოვანია ქა-
რთული ხალხის მიერ შექმნილი ორ-
ნამენტი. ის ასახულია ქსოვილზე,
ბეზე, ლითონზე, ქვაზე და სხვა მა-
ხალაზე. მცირე მასშტაბით ის დღე-
საც ცოცხლობს ხალხურ ყოფაში, ხო-
ლო დიდი რაოდენობით მისი ნიმუშე-
ბი დაცულია ჩვენს მუზეუმებში, ნა-
წილობრივ გამოფენილია და გამო-
ცემულიც.

განსაკუთრებული სიამიდრით, ფე-
რების შეხამებით, ნატიფი ხელობით,
შესრულების მრავალმხრივი ტექნი-
კური ხერხებით, გეომეტრიული, მცე-

ნარეული და ცხოველური სახეებით
და რთული სიუჟეტებით გამოირჩევა
ქართული ნაჭარგობა. მასში გამოყე-
ნებულია ათეული სხვადასხვა ხერხი:
ხადა და მოყინული სითვი, უისინა-
ლური, კლერტული, განმსული,
გრეხილური და სხვ.

ნაჭარგობის ორნამენტის ძირითა-
დი შემადგენელი ელემენტებია: კვე-
რა, ხუთა, ბორჯღალა, დაკავალა,
მგზავრა, რქადახრილა, მარტუწელი,
ხატულა, ზვულა, მომხვევრა, ცივი-
კავა, კულიტყულა, წეროსმხარა,
მწკალა, ანო, ინო, ონო, მცენარეუ-
ლი და ცხოველური სახეები.

ფერების მიხედვით ქართველი მთი-
ელების ნაჭარგ-ნაჭერი ნიმუშების
ძირითადი სპექტრია: ღურჯი, სისვი
(მწვანე), წითელი და ყვითელი ფე-
რები. ფერების ჰარმონიულად შეხა-
მების ცნობილი ოსტატობა არავის
ხევსურეთის („ბუდე ხევსურეთის“)
ქალები. განთქმულია მათ მიერ დამ-

ზადებული მამაკაცის პერანგის ფა-
რაგი (საგულე) და ღედეკაცის ხაღი-
აცოს უბე-ფარაგები. აქ იქარგებოდა
სხვადასხვა ხარისხის ფარაგები: ოთხ-
თვლიანი („მწ ამოგდებისა“), ცხრა-
თვლიანი („მწ ამოგდებისა“), თორ-
მეტთვლიანი („მწ ამოგდებისა“) და
მრავალთვლიანი („ხუთოც ამოგდე-
ბისა“). ეს უკანასკნელი საგანგებოდ
სწორფერისათვის იყო განკუთვნილი.
არ გადავაჭარბებთ თუ ვიტყვით,
რომ ფარაგებს შორის ბევრი დიდი
გემოვნებით, დიდი ოსტატობით და
თვალსაზრისით არის გაკეთებული და
ხელოვნების შეხანიშნავ ნიმუშებს
წარმოადგენს.

ხალხური ორნამენტის საუცხოო
ნიმუშებს ოქრომკედით ნაჭარგობა
იძლევა. ოქრომკედის ნაჭარგობით
შემკულია მრავალი ხაყოფაცხოვრებო
და დეკორაციული საგანი: გულსპი-
რები, მუთაქები, ბალიშისპირები, ხა-
რტყლები, თავსაკრავები, წამოსასხა-

მები, და სხვ. ოქრომკედით იქარ-
გებოდა ხვერღე, მაუღზე, ატლას-
ზე, ტაფტაზე და სხვა ძვირფას ქსო-
ვილზე. ამ ტექნიკით შესრულების
უზადლო ნიმუშებს ეკუთვნის ხვერ-
ღა და ატლასზე გამოყვანილი ვაზის,
მუხის ტოტის, პურის თავთავების,
ბროწეულის ყვავილებისა და სხვა ნა-
ჭარგობა.


ჩვენი ვალია ხალხის მიერ დაუნ-
ჯებული, საუკუნეების მანძილზე გა-
მოშუაგებული ხელოვნება ჩვენი
დროის მოთხოვნების სამსახურში
ჩაეაყენოს და არათუ გამოვიყენოთ
ის, რაც ხალხს შეუქმნია, არამედ და-
ვაწინაუროთ, მივცეთ მას გასაქმარ,
ხელშეწყვეთ მისი განვითარებას
და ახალ ზაფხურზე ავიყვანოთ.

პროფ. გიორგი ჩიტაძე.

Handwritten signature or name in large, stylized Georgian script.



აკაკი წიქარიშვილი



ვლადიმერ არონიშვიდი

ქრონიკალი
ბიულეტენი

აქედან კარგად მოჩანს ქარხნის ცადაწვდილი საკვამლე მძღვლები. ქარხანა გოლიათივით აღმართულა ვაკეზე. ეზო რკინიგზის ლიანდაგით შუაზე იყოფა.

დილის ცვლა მუშაობას შედგომია. ელვარებს დაეარება მინა და ღუმელში თუხთუხებს, ახალი მაჭარივით შეხუფებს აფრქვევს ირგვლივ.

შესავალში საქარხნო კომიტეტის თავმჯდომარე ძირტბილაშვილი გამოჩნდა, იქით მიგვიწვია. მთავარმა ინჟინერმა ზაზიკაშვილმა დამხმარე და ძირითად სამაქროების უფროსებთან საუბარი მოათავა და ჩვენსკენ გამოემართა, ღმილით მოგვესალმა.

ერთ-ერთ მანქანასთან შევეჩრდით. — ეს კომუნისტური შრომის ბრიგადაა, — ამბობს ინჟინერი, — მას მოწინავე მუშა ვლადიმერ არონიშვიდ ხელმძღვანელობს, აი ისიც.

ბრიგადირმა სამაქანაში შევევჯანა. აქ შედარებით ნაკლები ხმაური იყო. კუთხეში კარადა იდგა, რომლის შინაშიც ბოთლები მოჩანდა. უნებურად თვალი იქით წამვიდა, ვლადიმერმა ეს შენიშნა და მითხრა: — ეს ჩემი შრომის სტაქია. ყოველწლიურად თითო ბოთლს ვინახავდი. 34 წელია ამ ქარხანაში ვმუშაობ.

ბოთლის მანქანა დინჯად დატრიალდა, ბრიგადა მუშაობას შეუდგა. ღუმელის ელვარება ხელს გვიშლიდა ბოთლის ჩამოსხმის პროცესს კარგად დაკვირვებოდი. მძლავრი ვენტილატორები ასუფთავებდნენ ჰაერს.

ვაკუმ მანქანამ დინჯად ჩაყო ცხვირი გავარარებულ სითხეში, შეიწოვა მინა, მალა აიწია, გასწორდა და გზა განაგრძო. უცებ სანთელივით ჩამოეკიდა შემავარებელი სითხე. მორგვმა შუაგულში მოიქცია, ძირი გაუკეთა, შემდეგ გადმოიბრქვედა და ქოლგასავით დაეხურა ხუფი. ჩვენდა შეუმჩნევლად მანქანამ ჩაბერა, როდესაც მორგვმა წრე გააქეთა, ყალიბი გაიხსნა. ნახევარლიტრიანი ბოთლი კონვეიერზე დაეარდა და გაჰყვა მას.

მანქანა ჯიუტ მოცეკვავსავით ბრუნავდა. თანაშემწე ალექსი გელაშვილი გარს უვლიდა, მინის ზედმეტ სითხეს აშორებდა, ასწორებდა ყალიბებს, მანქანის მუშაობაში მცირედ ცვლილებასაც კი არ ტოვებდა უფურადღებოდ. ცდილობდა რაც შეიძლება ნაკლები წუნი ყოფილიყო კონვეიერზე მოძრავ ბოთლებში, უწყვეტ ნაკადად რომ მოედინება, ბრიგადის წევრები ოქრუაშვილი და მერაბიანი საბოლოოდ არჩევდნენ წუნდებულ ბოთლებს, ხოლო სალი არველოდი პარკაძის, თამარ ხაჩიძის და უნუქუნა კვინიკაძის ხელით, იგზავნებოდა გამოსაწვავად. აქედან კი საპარტო ტრანსპორტიორით გადადიოდა ჩამომსხმელ ქარხანაში.

1943 წლიდან ქარხანა ნახევრად მექანიზებული

იყო. ამჟამად კი მთლიან მექანიზაციაზე გადასული.

მემანქანე ვლადიმერ არონიშვიდმ სახელგანთი შრომის დიდი გზა განვლო. ამ ქარხანაში 14 წლის ეტროდენა ყმაწვილი მოვიდა, მთელი თავისი სიჭაბუქე აქ გაატარა და ღირსეულად დაიმსახურა კომუნისტური შრომის ბრიგადის ხელმძღვანელის საპატიო სახელი.

ვლადიმერს გუშინდელ დღესავით ახსოვს თავისი წარსული: 11 წლისა დაობლდა, მამას და უფროს ძმას შეჰხაროდა, მუყაითად სწავლობდა. მე-7 კლასში იყო უფროსმა ძმამ რომ უთხრა:

— აი, სწავლას მალე მორჩები; თუ კარგ ნიშნებს მიიღებ, ჩემთან წაგიყვან ქარხანაში და მერე შენ იცი. პირობა ორივე ძმებმა პირნათლად შეასრულეს. ვლადიმერმა ორი წელი იმუშავა ძმის გვერდით ბოთლების მზიდავად, შემდეგ კი თვითონ გაიქვლია გზა.

სამა ათეულმა წელმა განვლო მას შემდეგ... ვლადიმერს თმა შეუთეთრდა, ოჯახში დოვლათა და ბარაქა დაუხვავდა.

ადამიანის თავდადებული შრომა ღირსეულად ფასდება ჩვენს ქვეყანაში. 34 წლის მუშაობის მანძილზე ვლადიმერს მრავალი ჯილდო აქვს მიღებული, მათ შორის მედალი „შრომითი მამაცობისათვის“.

თავისუფალ დროს ვლადიმერი ხალისით მონაწილეობს საზოგადოებრივ საქმიანობაში. იგი წლების განმავლობაში ხელმძღვანელობს ქარხნის სასულიერო ორკესტრს.

ვლადიმერი ადგილობრივი საბჭოს დეპუტატი და ამართლებს კიდევ ხალხის ნღზბას.

წიქარიშვილი სავალდებულო სამსახურიდან დაბრუნდა, ქარხანა ძველ ადგილზე აღარ დახვდა, ბორჯომ-ბაღიდან ბორჯომში მოუხდა წასვლა. აკაკიმ ქარხნის ახალი კორპუსები რომ დაინახა უცხო დეჩენა, შესვლა ვერ შეხვდა. ერთ ხანს დაბნეულმა იარა, შეჩერდა, რაღაც გადაწყვეტილება მიიღო, კიბეები აირბინა და კარზე დააკაკუნა. სავარძელში მჯდომს თვალი შეავლო, სითამამე მოკრიბა და მიმართა:

— ჯარში წასვლამდე აქ ვმუშაობდო, ახლა დაებრუნდი და აქვე მოვედი სამუშაოდ.

ღირეკტორი მის გარუჯულ სახეს და ვაქაცურ მოყვანილობას რომ დააკვირდა, თვალში მოუვიდა, თანხმობა მისცა, არც მოტყუებულა.

აკაკი წიქარიშვილი სოფელ ცხისგვერდიდან ჩამოვიდა. ჯარში ყოფნისას ხშირად იგონებდა მშობლიურ ქარხანას და ოცნებით მასთან იყო. ეს ოცნება დღეს სინამდვილედ ექცა და მთელი მონდომებით დაეწავა შრომას.


შეჩვიდა ახალ ადამიანებს, ქარხანა მისი მეორე ოჯახი გახდა. აკაკის ბრიგადა ყოველწლიურად გადაჯარბებით ასრულებს საწარმოო გეგმას. ამიტომ კომუნისტური შრომის ბრიგადის საპატიო სახელი მოიპოვა.

აი, ბრიგადის წევრებმა თამარ ციყელაშვილმა, თამარ ფერაქემ, დარეჯან ნანიტაშვილმა და ნატო ლომიძემ მიიღეს შუშის ქარხნიდან გამოგზავნილი ბოთლები, სწრაფად ჩააწყეს ბოთლის მრეცხავ მანქანაში. გარეცხილი ბოთლები უწყვეტ ნაკადად გაემართა ჩამომსხმელ მანქანებისაკენ. აქ კი თამარ გვეგიძე ციბრუტვიტო ტრიალებს მანქანების გარშემო, რომ ბოთლი ნაკლული არ დარჩეს, დაუტვრითავი არ იყოს საჩამომსხმელო მანქანა. მას გვერდით უდგია ანჯელინა ალექსანიანი, ხალისიანი შეგვერემანი გოგონა, რომელიც სავსე ბოთლებს ხუფავს და აგზავნის დამხარისხებლისაკენ. მანქანა „იდეალ“ რომ მიუახლოვდება, ბოთლები გადმოტრიალდება, აკეთებს ნახევარ წრეს, ელექტროშუქზე დამხარისხებლები გვარამაძე და კიენაძე აკვირდებიან ბოთლებს და უხარისხო პროდუქციას უკანვე იღებენ.

ბრიგადირი წიქარიშვილი ყველა მანქანას გარს უვლის და საჭირო შემთხვევაში დამხარებს უწევს.

რიტმული და შეწყობილი მუშაობის შედეგად წიქარიშვილის ბრიგადას ყოველდღიური გამომუშავების ნორმები შესრულებული აქვს 145-150%-ით. მას ფეხდაფეხ მისდევს ხარაზიშვილის და სხვა ბრიგადები. ბორჯომის წყლის ჩამომსხმელი ქარხნის კოლექტივმა ვალდებულება აიღო გეგმის გარეშე გამომუშავს 2 მილიონი ბოთლი წყალი.

ფოტო ოთარ თურქიანსი.



იქნებ ყველა მანდილოსანისთვის არც არის ცნობილი, რომ საზოგადოების განვითარების რომელიმე ქვედა საფეხურზე მამაკაცი არ იყო ქალის თანასწორი. ეს ამბავი ადამიანთა გონების დანახვის იმ დაწყებულ პერიოდს მიეწერება, როდესაც დედაცაცი იყო მამაკაცი და, პირიქით. ამას მატრიარქატი ერქვა. ეს იყო დრო, როდესაც არ არსებობდა ცნება „შინაბერა“, ქალების მისამართით, ხოლო შინდარჩენილ ვაუთხოვარ გონჯ და დაფრხვილ ვაუებს მშობლები და შუამავლები ათასნაირი მოტყუებებითა და შანტაჟით ათხოვებდნენ სოფლის ვაჟკაც დედაკაცებზე. ყველა ამ სიკეთესთან ერთად, იყო ვაუების მოტაცებაც, ძალადობაც და, წარმოიდგინეთ, ფიზიკური შეურაცხყოფაც.



არ იქნებოდა ზედმეტი წარმოგვედგინა ეპიკური ამ ჩვენთვის სამარცხვინო და თავმოსაჭრელი ისტორიული წარსულიდან. „სოფელ გამოქვაბულის ტერიტორიის მთვარე დაახლოებით ისე ანათებდა, როგორც ახლა ანათებს ხოლმე. გასათხოვარი ვაჟის პატრონის საკარმიდამო ნაკვეთზე ბნელდა. გამოქვაბულის წინ კავკასიური ჭიშის ისტოლოზური ება, ხოლო ჰიშკარზე ეწერა „ეზოში ავი ძაღლია“.

ეზოში ფრთხილად შემოვიდა შავთვალწარბა, მალალი, მკერდზე წაბლისფერთმაჩამოშლილი ვაჟკაცი გოგონა. ისტოლოზურმა ყურები ცქვიტა და დაიღრინა, მაგრამ უმალ იცნო სასიძო და მიწაზე კულის ბაკუნით ჩაუგორდა ფხებში. სასიძო გოგონამ პირში ოთხი თითი ჩაიდო და გაბმულად დაუსტვინა. გამოქვაბულში რაღაც გაფარულა, კარი აპრიალდა და ეზოში ნატიფი ჩრდილი გამოსრიალდა. მან ფრთხილად გაიხედ-გამოიხედა და ამჟამად გაღმეხებული ბუჩქნარის იქით გაუჩინარდა.

— იაკინთე, შენ? — შეეგება მას აღელვებული ქსენია.

— მე, მე ჩემო ყველა! — წაიღუღუნა იაკინთემ და თავი მიაპრდნო მკერდზე ვაჟკაც ქსენიას.

ისინი უხმოდ გაყვნენ ოკეანის ნაპირს, და დაახლოებით იქ, ხალაც ახ-

და ხანგრძლივი გეოლოგიური დავულკანური პროცესების შედეგად კავკასიონის ქედია ამოწევილი, ნავში ჩასხდნენ. თბილი მუსონი უკოცნიდა იაკინთეს ახლად ამოყრილ წვერ-ულვაშს. ნავი ტალღებზე ირწყოდა, იმჟამად იმ მიდამოებში მყოფი ოკეანე იყო საოცრად მშვიდი.

— იაკინთე!

— რა ქსენია!

— ჩვენ სახლში აღარ დავბრუნდებით, შენ ჩემი უნდა გასდევს ამ დამოღი — აღმოხდა ქსენიას.

— ასე შიშველი, სახლიდან გამოშარული? — თქვა იაკინთემ და მარაოსავით წამწამები მორცხვად აახამხამა.

მე შენი ქონება არ მაინტერესებს, მამაშენივით კი არ ვარ.

— მამაჩემს ცუდად ნუ მისხნებ. ჩემისთანა კიდევ ოთხი ყავს გასათხოვარი და რა ქნას? — იწყინა იაკინთემ.

— ნუ გეშინია, ქვავზე დავასახლებ, — გატაცებით თქვა ქსენიამ.

— მეშინია! — წაიჩურჩულა იაკინთემ, ქსენიას მიერა და ცაცხანა აიტანა.

— ჩემთან რისი გეშინია!

— დაიქუხა ქსენიამ, წელზე ჩამოკიდებულ ნაჯახზე ხელი წავიღო და აღვისტანა იაკინთე გულში ჩაიკრა.

— რას ჩაიდი, რას, ჯერ ნუ, სანამ ხელს არ მოვაწერთ, ნუ მაკოცებ... — აქვითინდა იაკინთე.

— მხოლოდ ერთხელ გაკოცებ... — გაიქანა ქსენია.

— არა, არა, თქვენ სულ ასე იცით, ჯერ ერთ კოცნას მოითხოვთ, მერე ორს, მერე ასს... ყველა დედაკაცი ერთნაირები ხართ!.. — თავს იცავდა სუსტად იაკინთე.

გათენებისას ისინი გადასხდნენ უსახელო კუნძულზე, ქვის ნაჯახით ამოკვეთეს კლდეზე ინიციალები, გააფორმეს საბუთები და დაიწყეს ცხოვრება. შემდეგ, როგორც წესი, იაკინთეს მშობლები შეურიგდნენ, მზითვად გამოატანეს ოთხი სიბის ტახტი, ექვსი ქვის სასთუმალი, ერთი გოდორი ლედვის ფოთოლი — საცვალე და სხვა. დატრილდა ცხოვრების ჩარხი, ქსენია დადიოდა სანადიროდ, იაკინთე უვლიდა ბავშვებს, ამზადებდა საჭმელს, მაგრამ ბედნიერება ხანმოკლე აღმოჩნდა. იაკინთემ უღალატა ქსენიას.

— მომკერი ხომ თავი?... — იღრიალა ერთ მშვენიერ დღეს გაბეჭილმა, მთვარულმა ქსენიამ.

— ტყუილია, ჭორებს არ დაუჭერო! — შეიცხადა შეშინებული იაკინთემ და საყვარლის მიერ სიჩქარეში დარჩენილ ლედვის ფოთოლს ფეხი დააბიჯა.

— მე ქმრის ვარ შენი, თუ ვინ ვარ? — განაგრძო თვალბრახისხლიანებული ქსენიამ და ქვის ნაჯახი იშეშვლა.

— მომკალი, მომკალი, არ მიღდა ასეთი ცხოვრება, მეც ადამიანი ვართ არა? შენ მთელი დღე ტყეში დაეთრევი, მთვრალი მოდიხარ, ჩემთვის არც კინოა, არც თეატრი. ის დღე დაიქცა, როდესაც ჩვენ, მამაკაცები, თქვენს მონებად დავიბადეთ, — აქვითინდა იაკინთე.

— რატომ მალატობ, კაცო, რა გაკლია! — თქვა გაბზარული ხმით ქსენიამ.

— ყველაფერი!

— ბუს კევრცხები ხომ გაქვს თავზე საყრელად?

— მაქვს.

— შუბა ხომ მოგიტანე?

— მერე რომ ისევ დანიე მთვრალმა?

— ვინ? მე შენი შუბა დავხიე? ო, არარაობავ. მამაკაცი უნდა გერქვას შენი!

— მამაკაცი კი არა, — დედაკაცი, — ამოიქნავლა იაკინთემ.

ამ მაგალითიდან ნათლად ჩანს, რომ ბოლოს და ბოლოს, მამაკაცებმა აღიშლეს ხმა და ერთ მშვენიერ დღეს ქალებთან გათანასწორებაც კი მოითხოვეს. მართალია, ეს ერთი ხელის დაკვრით არ გაკეთებულა, ამას მთელი ეპოქები და საუკუნეები მოუწია, მაგრამ შეთანხმება მიღწეულ იქნა და მამაკაცი ქალის თანასწორი გახდა. შემდეგ მოვლენები ისე განვითარდა, რომ მამაკაცმა გაბატონებულ მდგომარეობასაც მიადწია და დიწყო ახალი ერა ჩვენს ცხოვრებაში — პატრიარქატი.

ყველაფერი თავიდან დაიწყო, ოღონდ — უკულმა, ქალები დამონებულნი აღმოჩნდნენ, დიდხანს ითმინეს, ითმინეს და ერთ მშვენიერ დღეს დედაკაცი მამაკაცის თანასწორი გახდა. ეს ბედნიერი დღე, 8 მარტი, დღესასწაულადაც კი გამოცხადდა. ჩვენ მამაკაცებს ამისთვის ჰკუაუც არ გვეყო, როდესაც დედაკაცი ვიყავით, რომ ჩვენი ქალებთან გათანასწორების დღე დღესასწაულად გამოგვეცხადებინა.

როგორ მიადწიეს ამას ქალებმა, ეს ახლა დღესავით ნათელია და ჩვენ მამაკაცებს დიდი როლი მიგვიძღვის ამ უკეთილშობილეს საქმეში, მაგრამ მე შიშითა და ძრწოლვით ვადევნებ თვალყურს ქალთა სისხლში იმ ზვიდა წინაპართა სისხლის აღწევებას, რომლებსაც ცოლებად ვყავდით და წინდას გვაქსოვინებდნენ. ზოგიერთი

ქალები უკვე აშკარად არღვიენ თანასწორობის საზღვრებს.

— აი, ერთი თანამედროვე მაგალითი: — რა გინდა, ქალო, რომ დამტკიცო ცოცხლად, მაცივარში გაქვს?

— მაქვს.

— სარეცხი მანქანა?

— მაქვს.

— ტელევიზორი?

— კი.

— აბა რა გაკლია?

— კუბო, რომ ჩაგახვეწო და გაგახვეწო!

— რატომ, რატომ?

— ნათელას ქმარი ყავს?

— ყავს.

— მისი ქმარი სარეცხს რეცხს?

— რეცხს.

— ბავშვებს უვლის?

— უვლის.

— საქმელებს ამზადებს?

— ამზადებს.

— საინებს რეცხს?

— კი.

— ექვიანობს?

— არა.

— ღვინოს სვამს?

— არა.

— პაპიროსს ეწევა?

— არა.

— ჰოდა რა ჰქვია ასეთ ქმარს?

— მთხლე და ჩვარი!

— მთხლე და ჩვარი შენ ხარ! ძვირფასო ქალებო, ხომ არ ხედავთ ამ პატარა სცენაში იმის ტენდენციას, რომ ზოგიერთი ისწრაფვის ისევ გაბატონებული მდგომარეობა მოიპოვოს? ჩვენ მამაკაცებს საუბედუროდ ეს არ გვადივს ხელს.

უფრო ძვირფასო ქალებო! ეს ტენდენცია დღითი დღე უფრო და უფრო საშიში ხდება, მე ამას ვერ გადავიტან. გთხოვთ ნუ გვიწამო ამას. ნუ ჩაგვერით იმ საცოდავ მდგომარეობაში, რომელშიც ვიყავით ამ რამდენიმე ეპოქის წინათ. დავრჩეთ თანასწორნი, თორემ შემდეგ ყველაფერი ისევ თავიდან დაიწყება. ვიყუთ ასე, გავინაწილოთ ოჯახის ფუნქციები, ჩვენ რვა მარტს საჩუქრებს მოგიტანთ, თქვენ ტუბილები დავგიცხვეთ და ასე შემდეგ.

ბოლოს და ბოლოს ჩვენ ამის უფლებმა კონსტიტუციის ძალითაც გვაქვს. მოკლედ ჩვენც სუ და თქვენც სუ.


გახსოვდეთ, ქალებო! რომ მამაკაცი ქალის თანასწორია.

ნახატები ჯამალ ლოლუსსი.



ბ ასული წლის 8-15 სექტემბერს იტალიაში (მილანი-სტრეზა) მოეწყო სოციოლოგთა IV მსოფლიო კონგრესი, რომლის მუშაობაში მონაწილეობა მივიღე მეც. მილანის საყოველთაოდ ცნობილმა ოპერისა და ბალეტის თეატრმა ლა სკალამ კონგრესის პატივსაცემად 12 სექტემბერს დადგა სპეციალური სპექტაკლი — ბალეტი.

სენიორ გირინგელი ბრძანა მოეტანათ უძვირფასესი საჩუქარი, რასაც ლა სკალა აძლევს თავის საპატიო სტუმრებს. მოიტანეს დიდი ფოლიანტი: ეს იყო ჭუზებე ვერდის ოპერის „ფალსტაფი“ ავტორისული ხელნაწერის ფოტოკოპი, რომელშიც ნაღწიანად აკონსერვებული და ძვირფასი ყდაში ჩასმული პარტიტურა.



სენიორ გირინგელი მით უფრო დიდს პოპობით მთავარზობს ამ ოპერას, რომ მისივე სიტყვებით „ვერდი არის არა მხოლოდ მსოფლიო მუსიკალური ხელოვნების, არამედ, კერძოდ, იტალიისა და, სახელდობრ, ლა სკალას უშესანიშნავესი ვარსკვლავი. აქ დაიწერა და დაიდგა მისი პირველი ოპერა „ობერტო“ (1839) და მისი უკანასკნელი ქმნილება „ფალსტაფი“ (1892), რაც მის ყველაზე გენიოსურ ქმნილებათა (რომელთაც მიეკუთვნება, აგრეთვე, „ოტელო“ და „აიდა“) მწვერვალს წარმოადგენს.

გირინგელი ეს ქმნილება ხსენებული სახით ლა სკალას მიერ დაბეჭდილია ფრიად მცირე ტირაჟით. ჩემთვის ნაჩუქარი ეგზემპლარის ნომერია 226. სპეციალური აღრიცხვა წარმოებს, თუ ვის და როდის მიეცა ეს პარტიტურა. ადმინისტრატორმა მაცნობა, რომ ჩემი ეგზემპლარის სახით „მეორე ცალი მიღის საბჭოთა კავშირში“.

ამ საჩუქრის მიღებისას სენიორ ანტონიო გირინგელისა და მათთან მყოფთ მოვახსენე, რომ ჩემს თავს უფლებას ვერ მივცემ ესოდენ უნიკალური განძი წავიღო საყუთრად ჩემთვის. მე მას თბილისში გადავცემ ან თეატრალურ მუზეუმს, ან ოპერისა და ბალეტის ქართულ თეატრს, რათა დაინტერესებულთა რაც შეიძლება ფართო წრეს შეეძლოს მისი გაცნობა-მეტიქი.

დასასრულ, აქ მხოლოდ ის მინდა დავსძინო, რომ ზ. ფალიაშვილის სახელობის თეატრის დირექტორმა რესპუბლიკის სახალხო არტისტმა დ. მჭედლოძემ, რომელსაც ჩემი იტალიური შთაბეჭდილებებისა და მოგზაურობათა ეს ეპიზოდი ვუამბე, გამოთქვა კეთილშობილური აზრი, რომ ჩვენი ოპერის თეატრი თავის მხრივ, ლა სკალას გაუგზავნის „ახესალმე და ეთერის“ და „დაისის“ პარტიტურებს.

პროფ. პაატა გუგუშვილი

F. 2319

ქართული სკულენგები გარეზს უნივერსიტეტში

ქ. ტარტუს ბალტიისპირეთის ერთ-ერთი უძველესი ქალაქია. იგი ჯერ კიდევ გასული საუკუნის დამდეგს ცნობილი იყო თავისი სამეცნიერო დაწესებულებებით და მუზეუმებით. მაგრამ ესტონელების სიამაყეს მარცხ ტარტუს უნივერსიტეტი წარმოადგენს, რომელიც დაარსებულია 1802 წელს.

ტარტუს უნივერსიტეტში მრავალი ქართველი სტუდენტი სწავლობდა. აქ გამოიზარდა ჩვენი ქვეყნისათვის სასარგებლო მოღვაწეთა მთელი პლეადა. უნივერსიტეტის ფუნდამენტალური ბიბლიოთეკის თანამშრომელთა დახმარებით რამდენიმე ცნობა მოკვრიფეთ ამ საინტერესო საკითხზე. თბილისის გუბერნიიდან XIX საუკ. 80-90-იან წლებში უნივერსიტეტში სწავლობდნენ შატოლოვი, აბდუშელიშვილი და სხვ. 1897 წ. გაზ. „ივერია“ (№ 20) იუწყება, რომ იურევის უნივერსიტეტში „ეგზამენი“ ჩაუბარებია და ჩარიცხულა 6 ქართველი. ქართველ სტუდენტებს დაუარსებიათ „ქართული სამკითხველო“, ხოლო იმდროინდელ ქართულ და რუსულ რედაქციებს დახმარება გაუწევიათ „ახალფეხადგმულ“ ბიბლიოთეკისათვის.

ქართველი სტუდენტები დიდ სიღარიბეს განიცდიდნენ. მაგრამ სწავლისათვის მოწყურებული ახალგაზრდობა, მიიღეს იურევის უნივერსიტეტიდან, რადგან „ქართველ ღარიბ სტუდენტთათვის ეს ქალაქი ხელმისაწვდომი ყოფილა“ (გაზ. „ივერია“ 1898 წ. № 192).

საქართველოში დაჩენილი შობილები, ნათესავ-მეგობრებში ჰკრეფდნენ ფულს და შემდგომ უგზავნიდნენ სტუდენტებს იურევიში. ამ მხრივ ხშირია გაზეთებში სტუდენტების საშალობელო წერილები, ისინი „მადლობას სწირავენ“, კეთილსამყრით.

თვით ტარტუს უნივერსიტეტის ქართველი სტუდენტები თავიანთ თანამოქმედებს ეხმარებოდნენ, მხარს აძლევდნენ, რათა სიღარიბის გამო ამა თუ იმ სტუდენტმა სწავლას თავი არ მიანებოს. ამ მიზნით დაუწყიათ საქველმოქმედო ქართული საღამოების გამართვა, რომლის შემოსავალი ეძლეოდა ღარიბ სტუდენტებს.

ასეთი საღამო ტარტუსში 1898 წ. 14 თებერვას გამართულა. ამ საღამოს მთავარი მიზანიც ჰქონია, რადგან აქ პირველი ქართული საღამო იმართებოდა: „ამ საღამოს უნდა გავცნო აქაური საზოგადოებრივთათვის ქართველი ნაცია“ ამისათვის „...მოვიწვიეთ ქ-ნი არღანა, ბ. ბალანჩივაძე, პ. ქუთათელაძე... ბალანჩივაძის ხელმძღვანელობით ხორბო შეასრულა სხვადასხვა ქართული ხმება: კახური, იმერული და სვანური“. ქართველ სტუდენტებს დიდი პაქუხისმგებლობით ჩაუტარებიათ ეს პირველი ქართული საღამო.

გარდა ამისა, ქართველი სტუდენტები აქტიურ მონაწილეობას იღებდნენ მუსიკალურ-სალატურატურო საღამოებში, რომელიც არაქართველ ღარიბ სტუდენტთა სასარგებლოდ იმართებოდა. ასეთი საღამო 1900 წ. 12 ოქტომბერს საბეთლო ინსტიტუტის სტუდენტებს გაუმართავთ, სადაც, ქართველ სტუდენტთა გუნდს, რომელსაც სტუდენტი მამამთავრიშვილი ლობჯარობდა, შესანიშნავად შეუსრულებია ქართული სიმღერები, აღტაცებულ საზოგადოებას მათთვის ოვაცია გაუმართავს.

კვლავ და კვლავ მიღის ტარტუსაქვე ქართველი ახალგაზრდობა, რადგან ჯერ კიდევ არ არსებობდა ქართული უნივერსიტეტი. აქ ვხვდებით ქართველ სტუდენტებს: ალ. ალადაშვილს, კ. ფოცხვერაშვილს. ნ. გაშს, კ. ერისთავს და სხვა. ჩვენ სულ ამოვწერეთ 60-მდე ქართველი სტუდენტის გვარი (ცნობა ზუსტი არ არის), შემდგომში მათა უმრავლესობა ცნობილი დასტაქრება. მეცნიერები, კომპოზიტორები და საზოგადო მოღვაწენი გახდნენ. 1905 წლის პროფესორ-მასწავლებელთა სიაში მოხსენებულია მაგისტრი გრიგოლ ფილიპონის ავსტრეული, ძველი კლასიკური ფილოლოგიისა და საბერძნეთისა და რომის სიძველეების პროფესორი, რომელიც ტარტუს უნივერსიტეტში ლექციებს კითხულობდა და დიდი ავტორიტეტით სარგებლობდა.

პურან ბასილაშვილი



ქელ პირიანუკი



რუსთაველის სახელობის თეატრში დაიდგა უ. შექსპირის „ჰამლეტი“.

ვაქეყენებთ მხატვარ ად. ბანძელაძის ჩანახატებს ამ სპექტაკლიდან.

ბელა პირიანაშვილი წინააღმდეგი იყო, რომ მას შესახებ რამე დაწერილიყო ჩვენი ჟურნალის ფურცლებზე.

— ძალიან გთხოვთ! სხვა ვანმეზე დასწერეთ. მე ჯერ არაფერი გამიკეთებია საამისო. მერე... როდესმე... ვნახოთ... ძალიან, ძალიან გთხოვთ!.. გეხვეწებით!..

— კარგი, თქვენი ნება იყოს. მაგრამ მაინც გვიამბეთ ცოტა რამ. გვიამბეთ სად დაიბადეთ. სად და როგორ სწავლობდით, რატომ აირჩიეთ მსახიობის პროფესია. ჩვენ ეს ყველაფერი ძალიან გვინტერესებს.

— დავიბადე თბილისში.

— მერე?

— მერე... მერე დავამთავრე თბილისის მე-50 საშუალო სკოლა. ამავე დროს დავამთავრე მუსიკალური ათწლედის ფორტეპიანოს განხრით. თან ქორეოგრაფიულ სასწავლებელში ვსწავლობდი. 1952 წელს შევედი კომკავშირში, ეს არის და ეს. პო, კინოსახიობობას არ ვაპირებ...

— კი, მაგრამ, თქვენ ხომ უკვე ორ ფილმში ითამაშეთ?!.. ორივეში მთავარ როლებს ასრულებდით.

ბელამ ნაღვლიანად ჩაჰკიდა თავი. საკუთარი ბიოგრაფიის ეს ორი მომენტი მას რატომღაც მძიმე ფაქტებს ჰგვიჩვენებდა:

— მაყურებელი კმაყოფილია თქვენი თამაშით. „საბუღარელ ჭაბუკშიც“ და „დღე პირველ, დღე უკანასკნელშიც“ თქვენ კარგად, უბრალოდ და დამაჯერებლად ითამაშობთ!

— იცით რა?

— ბრძანეთ!..

— მე რატომღაც მაინც სცენა მიჩვენია.

— ეს უკვე თქვენი ნებაა. რა როლები შეგასრულებიათ სცენაზე?

— ბევრი არაფერი. ქალი—წერო იაპონელი დრამატურგის დიუნდი კიროსიტას „წეროს

ფრთებში“, ლიუდმილა, გორკის „ვასა ჟელუზნოვაში“, კეროლი, ბრისტლის „დრო და კონვეის ოჯახში“, ეანეტი, ალფრედ ჩერიის „მეექვსე სართულში“. ეს არის და ეს. ყველა ეს როლები



შევასრულე თეატრალური ინსტიტუტის სცენაზე. ასე რომ...

— ძალიან კარგი. თუ გაითამაშით რომელიმე ქართულ პიესაში?

— ჯერ არა, მაგრამ...

კლავდიუსი — სსრკ სახალხო არტისტი ს. ზაქარიძე




ოფელია — რესპუბლიკის დამსახ. არტისტი მ. ჩახავა

ჰამლეტი — რესპუბლიკის დამსახ. არტისტი გ. გიგეშკორი



მან ვა უნა ვა



ორღეანელი ქალწულის უანა დარკის შესახებ რამდენიმე კინოფილმია გადაღებული, უკანასკნელი სურათი გადაიღო ამერიკელმა რეჟისორმა ოტო პრემინგერმა, 18.000 კანდიდატიდან უანა დარკის როლისათვის მან შეარჩია მანამდე ყველასთვის უცნობი სტუდენტი ქალი ჯინ სებერგი, რომელიც უნივერსიტეტის კინომოყვარულთა წრის წევრი იყო. ფილმი შეიქმნა ბერნარდ შოუს „უანა დარკის“ მიხედვით.

იარაღით აღჭურვილი თავისუფლებისათვის მებრძოლი მეომარი ქალის ისტორია იმდენად მოგვებიანი და კინემატოგრაფიულია, რომ ბუნებრივია ამ თემას ყურადღება მიაქცია ნიჭიერმა ახალგაზრდა ქართველმა რეჟისორმა რეზო ჩხეიძემაც, რომელმაც შექმნა ფილმი მანა წყნეთელის შესახებ. სურათზე აღბეჭდილია მსახიობი ლეილა აბაშიძე მზია წყნეთელის როლში (მარცხნივ), და ჯინ სებერგი უანა დარკის როლში.

ქაკიგალიცური კინოხელოვნების ერთი სავალლო თავი

ის, რაც ფრანგული კინემატოგრაფისათვის წლების მანძილზე მიუღწეველი რჩებოდა, უკვე მიღწეულია. ფრანგულმა ფილმებმა გაიკვლიეს გზა ამერიკის კინოთეატრებისაკენ: პირველი ფრანგული ფილმი, რომელიც ამერიკის ტერანებზე შეიჭრა და დიდი სენსაცია გამოიწვია, იყო „ქალი მარად მიმზიდველია“. მთავარ როლს ასრულებდა ახალგაზრდა კინოვარსკვლავი ბრიჯიტ ბარდო. ეს სეზონის ყველაზე მომგებიანი ფილმი იყო იმ წელს. ბარდომ სწრაფად დაიპყრო ამერიკელი კინომაყურებელი. უფრონაღმა „ლუკმა“ 1958 წლის იანვარში მისი სურათი ეიწენშაუტერის სურათის გვერდითაც კი მოათავსა პირველ გვერდზე.

ნუთუ ეს მიწათმურღი ფრანგი ქალი მართლა ისეთი დიდი ხელოვანია, რომ ადამიანები მიჭაბუფდებიან ვით შეეყურებენ ეკრანს? არაფერია ამის მსგავსი! 8 წლის წინათ, როცა „ქალი მარად მიმზიდველია“ პირველად გამოვიდა პარიზის ტერანებზე, ხმა დარბა — ეს ფილმი მიშველი პორნოგრაფიააო.

ფილმის დიდი წარმატება ამერიკაში იმით აიხსნება, რომ ბრიჯიტ ბარდომ მოახერხა შეტრიალიყო იმ მო-

ღივუდელი ვარსკვლავების საშუაროში, რომელთა პოპულარობას განაპირობებს არა ხელოვნება, არამედ მათი სხეულის ზომაზე მეტად განვითარება. ეს ქალბატონები, რა თქმა უნდა, ერთმანეთისაგან განსხვავდებიან, მაგრამ ერთი რამ საერთო აქვთ: არანორმალურად გაზრდილი ზედა ტანები.

ჯინ მენსფილდი, მერლინ მონროი, სოფია ლორენა, მარტინ კაროლი, ბრიჯიტ ბარდო და ბევრი სხვა მხოლოდ იმისათვის იღწვიან, რომ ერთხელ მაინც მოხვდნენ ფართო საქმოსნური რეკლამის ცენტრში. ისინი ვიკინომაყურებლების სათაყვანო კერპებად იქცნენ და კაპიტალისტური საზოგადოების მილიონობით ადამიანისათვის ქალის იდეალურ ტიპებად ითვლებიან. 20 წლის წინათ ეს ქალები უჩვეულოდ სავსე გულმკერდებით ვერ გამოიწვევდნენ კინოთეატრებში სენსაციებს: მაშინ ტრიუმფის გამოწვევებზე იდეალური ფიგურები იყო. როდის მოხდა „იდეალის“ ასეთი შემობრუნება?

სავსე მკერდების გიჟური მოდა ამერიკაში დაიწყო ერთ-ერთი ბიზნესმენური ტრიუკით: 1947 წელს ფილმის მწარმოებელს — ჰუგეს უხერიო




ფილმი გამოვიდა. დიდი ხარჯების დასაფარავად და ფილმის გადსარჩენად ჰუგესმა ასტება ხარკლამო აურზაური, რაც ნახევარი მილიონი დოლარი დაუჯდა, მაგრამ „ბრწყინვალე“ შედეგი გამოიღო: ჰუგესმა აცხადებდა, რომ ცენზურამ აკრძალა მისი ფილმი... მთავარი როლის შემსრულებლის სავსე გულმკერდის გამო, რეკლამამ შექმნა

„სავსე გულმკერდიანი ქალის“ იდეალური ტიპი.

ჰუგესმა თავისი გაიტანა. „მკერდების ეპიდემიამ“ ისეთი ფართო მასშტაბი მიიღო, რომ ამერიკელი მამაკაცი, რომელსაც ცოლად ჩვეულებრივი“ გულმკერდიანი ქალი შეხვდებოდა, თავს ბედისაგან დაჩაგრულად გრძობდა და ოცნებობდა ეკრანებზე ნანახ „იდეალურ“ ქალზე. ამის შედეგად ბევრი „ჩვეულებრივი“ ამერიკელი ქალი ფიქიურად დაავადდა, ზოგი თვითმკვლელობამდისაც კი მივიდა; ჰოლივუდის განთქმული ვარსკვლავები კი, რომლებიც ბუნებისაგან ამ მხრივ უხვად არ იყვნენ დაჩილოდებულნი, კარიერის დაღუპვის წინაშე დადგნენ. მათ პლასტიკურ ოპერაციებს მიმართეს. ასეთი ოპერაციები რაღაც „უმნიშვნელო“ თანხა — 5000 დოლარი უჭებოდა თვითოულს.

ასე მოახერხა, რეკლამამ ამერიკაში და იმ ქვეყნებში, სადაც ამერიკის მსგავსი „კულტურა და ცივილიზაცია“ შეაქვს, ქალები უბედურნი, ხოლო მამაკაცები ბუდით უკმაყოფილონი გაეხადა.

უფრონად „ფილმშიგედიდან“ თარგმანა მ. კობახიძე.



ბრაზილიის ახალი დედაქალაქი — ბრაზილია

სულ მალე, ა/წ 21 აპრილს ბრაზილიის მთავრობა რიო-დე-ჟანეიროდან გადაეცა ახალი დედაქალაქში — ბრაზილიაში, რომელიც ბრაზილიის მთიანეთის ცენტრალურ ნაწილშია გაშენებული.

ბრაზილიის დედაქალაქის გადატანის საკითხი ჯერ კიდევ XVIII საუკუნის ბოლოს იდგა. 1763 წლამდე ბრაზილიის დედაქალაქად ითვლებოდა ნავსადგური სალვადორი, შემდეგ კი დედაქალაქი რიო-დე-ჟანეიროში გადაიტანეს.

როგორც ცნობილია, ბრაზილია მცირედ დასახლებული ქვეყანაა. მისი ტერიტორია უდრის 8,5 მლნ. კვადრატულ კილომეტრს, მოსახლეობა კი 62 მილიონს (1958 წ.), ე. ი. საშუალოდ ერთ კვადრატულ კილომეტრზე მოდის მხოლოდ 7,3 მცხოვრება, მოსახლეობის შედარებით მაღალ სიმჭიდროვით ხასიათდება ზღვის სანაპირო რაიონები, ცენტრალურ და ჩრდილო ბრაზილიაზე კი მოდის მთელი ტერიტორიის 3/5.

მოსახლეობის არათანაბარი განლაგება, უზარმაზარი ტერიტორიების ათვისება, აი, ორი მთავარი მიზეზი რამაც ბაძგი მისცა ბრაზილიას ახალი დედაქალაქის ქვეყნის ჩიღრმეში გადატანას. ახალი დედაქალაქი უნდა გადაიქცეს შიდა რაიონების ათვისების ბაზად.

ახალი დედაქალაქის გასაშენებლად ძიება დაიწყო ოცოდე წლის წინათ. მოძებნილი იქნა ქალაქის გასაშენებელი საუკეთესო ადგილი. გოიას შტატში შაბადა-დუს-ვიადეირუს ზეგანზე, დაახლოებით 1100 მეტრის სიმაღლეზე არის დიდი მოსწორებული ადგილი.

დედაქალაქი ბრაზილია ვაშინგტონის მსგავსად ადნინისტრაციულ-პოლიტიკურა დედაქალაქი იქნება, დაახლოებით 500.000 მცხოვრებით.

ქალაქი დაგეგმილია აშ შტატების ცნობილი ფირმის ბელჩერის მიერ. ხოლო საბოლოო სქემა ქალაქისა ეკუთვნის ბრაზილიელ ხელოვნმოდგარს ლუციო კოსტას. გეგმის მიხედვით ქალაქი მოგვარონებს თვითმფრინვას, მის „ფიუზელაჟში“ მოთავსებული იქნება მთავრობის მოედანი, სამინისტროები, ყაზარმები, საფინანსო და საეკონომიკური დაწესებულებანი, „ფრთხეში“ კი საცხოვრებელი სახლები.

სულ მალე მსოფლიო რუკაზე გამოჩნდება ახალი დედაქალაქის სახელწოდება — ბრაზილია.

პ. ზარდალიშვილი.

პეტერს სახლში ეკითხებიან: როგორ მოგწონს ახალი მასწავლებელი? — არა უშავს, მაგრამ მასზე დანდობა აქ შეიძლება: გუშინ გვითხრა, 3+3 უდრის 6-სო, დღეს კი გვეუბნება, 2+4 არის ექვსო.

ერთმა კოლექციონერმა მისწერა ნაცნობ ზელოვნებამოკლდეს; „შევიძინე რუბენის ორი ორაგინალი. ვინც შეეცდება დამიმტკიცოს, რომ სურათები ყალბია, ტყავს გაეძრობ. გთხოვთ, გამოსთქვათ თქვენი მიუკერძოებელი აზრი ამ სურათებზე“.

— დღეს ახალი საზაფხულო მოდელები ენახე, ფრიც! ისეთი კარგია, ისეთი...

— მოკლედ მოსჭერი, იულია... — მოკლედ მოვჭრი, მაგრამ სამ მეტრზე ნაკლები მაინც არაფრით არ შეყოფა...

მისის ბრაუნე პატარა ხმაურზე ყოველთვის შეშინებული აღვიძებდა ქმარს.

— გესმის, კარებთან ქურდებია! — კანკალით ეუბნებოდა მეუღლეს. ერთხელ მოთმინებიდან გამოსულმა ქმარმა უთხრა:

— ვაიგე, რომ აქ არავინ არ არის. ქურდები ყოველთვის უხმაუროდ აკეთებენ თავიანთ საქმეს, ჩვენ მაინც ვერაფერს გავიგებთ.

ამის შემდეგ მისის ბრაუნე ყოველთვის აღვიძებდა ქმარს, როდესაც კარებთან აბსოლუტური სიჩუმე იყო.



უტექსტო ხუმრობა

გარეკანის პირველ და მეოთხე გვერდზე: ხალხური შემოქმედების მოტივები ჩანატული ფშავ-ხევსურეთში არქიტექტორ თინათინ ფანიაშვილის მიერ.

ერთი მოკრივე შეჯობრების დროს დამარცხდა, რინგზე გულამა გარტხმული ისმენდა მსაჯის თვლას: ერთი, ორი, სამი, ოთხი, ხუთი, ექვსი... უცებ მოკრივე წამოჯდა, სწვდა ხელეში მსაჯს და უთხრა: — ღვთის გულისათვის, ცოტა ყურს მძაკლია. ქენით საკეთე და თავიდან დაითვალეთ...

— პანს, მართალია, რომ მეზღვაურებს ყოველ ნავსადგურში ყავთ საცოლო? — შეეკითხა ქალიშვილი მეზღვაურს.

— სისულელეა, — აღშფოთდა პანსი — ჩვენ ყველა ნავსადგურში არ შევდივართ.

— მამ ასე, — უხსნის ფიზკულტურის მასწავლებელი ბავშვებს, — დაჯექით და წარმოიდგინეთ, თითქოს ნავში ზიხართ და ნიჩბებს უსვამთ: ერთი, ორი, ერთი, ორი.

ყველა იმეორებს. მხოლოდ ერთნი ზის წყნარად.

— ერვან, რატომ გაჩერებულხარ? — მე მოტორიან ნავში ვზივარ, მასწავლებელი.

ეს კოსტუმი შალისა? — ეკითხება ქალბატონი შალაზის გამყიდველს.

— დიახ, შეგიძლიათ დარწმუნებული ბრძანდებოდეთ.

— მაშ რატომ აქვს წარწერა „ვისკონზარევა“?

— ეს ჩვენ ისე, ჩრჩილის შესაცდენად გავაკეთეთ.

— მაშ ასე, — მიმართა ტეხასელმა მილიონერმა ზოოპარკის დირექტორს, — რა ღირს თქვენი ზოოპარკი? მე მსურს ვიყილო იგი ჩემი ვაიფისთვის გასართობად.

— მითხარით, გეთყვია, — თავაზიანი ღიმილით მიუგო დირექტორმა მილიონერს — რა ღირს თქვენი ვაიფი? იგი, როგორც ასეთი იშვიათობაა, ძალზე კარგი იქნებოდა ჩვენი ზოოპარკისთვის.

რედაქტორი გრ. აბაშიძე სარედაქციო კოლეგია: ი. გიგინეიშვილი, ს. ღურშიშიძე, მ. სააკაშვილი, ი. ტაბაღუა, ი. ციციშვილი, რ. ჩხეიძე, უ. ჯაფარიძე

პ/მგ. მღვივანი ნ. ჩაჩავა

საბ. კვ ცენტრალური კომიტეტის გამომცემლობა ქურნალი გააფორმა ვ. ონიანმა. ტექნოლოგიური დ. სეფიაშვილი



რედაქციის მისამართი: თბილისი, რუსთაველის პრ. № 42, IV ხართ. ტელ. — რედაქტორის და პ/მგ. მღვივის — 3-52-69, განყოფილებების — 3-95-38

რედაქციაში შემოსული მასალები ავტორებს არ უბრუნდებათ. ფასი 3 ზან. გარეკანი და ჩანართი გვერდები დაბეჭდილია ფოტოცინკოგრაფიაში.


ხელმოწერილია დასაბეჭდად 26, II-60 წ. გამოცე. № 21. ქაღ. ზომა 70x108/16, 1,5 ქაღ. ფურც. ნაბეჭდი ფურც. 4,11. საავტორო ფორმათა რაოდ. 4,79. პირობით ფორმათა რაოდენობა 4,8. ფიზიკურ ფორმათა რაოდენობა 4,8. ტირაჟი 23.000. შეგ. № 179, უფ. 00009

გიგის გონიერება


ღუბი



რა მშვენიერი ნახევარმთაა!



ელექტრონის აღმოჩენა და გამოყენება



ყვავილის მოყვარული



ეროვნული
ბიბლიოთეკა

1. 47
6. 17

